

四庫全書

史部

欽定四庫全書

史部

四川通志卷八

詳校官監察御史臣李陽祿

檢討臣德生覆勘

總校官編修臣王燕緒

校對官中書臣葉燮

謄錄監生臣朱堦

欽定四庫全書

四川通志卷八

人物

江漢炳靈世載其英卿雲褒武之儔邈乎尚矣唐
宋元明以來人材輩出亦越我

朝氣運日隆教化日浹德業文章理學經濟麟麟炳
炳光振千秋蓋非獨閭里之榮也夫鄉國之賢兩
廡從祀其人固自不朽而後先迭起者或行誼可

風或才猷較著輿論斯在物望攸歸亦難以湮沒
昔人有云其山截案而嵯峩其人磊落而英多當
斯語者舍蜀中安歸乎作人物志

成都府

周商

瞿

雙流人孔子弟子生於瞿上鄉歿亦葬於
瞿上至今墓碣猶存文翁石室圖作商瞿

上

漢張

寬

字叔文成都人景帝時廬江文黨為蜀郡
守選寬等詣長安就博士受業寬還教授

於蜀由是蜀學比齊魯仕至揚
州刺史作春秋章句十五篇

司馬相如

字長卿成都人少好讀書學擊劍事景帝為武騎常侍以病免後客遊梁著子

虛賦盛稱苑囿車獵遊觀之美其意微而婉其詞麗以則主於諷諫武帝讀而善之以蜀人揚得意

薦召見屢獻賦拜為郎會唐蒙驚擾巴蜀遣相如諭之拜中郎建節乘傳至蜀通邛笮還報帝大悅

後復秦大人賦帝稱其粗粵有凌雲之意尋以病免居茂陵

楊宣

字君緯什邡人少受學於楚國王子張河內鄭子侯長於天文圖緯成帝徵拜諫議

大夫勸上立定陶王為太子出為交州牧太子即位徵拜太倉令上言封周公孔子後帝從之又薦

王剛徐吉郭越龔勝皆名士平帝時持節授為講學大夫

揚雄

字子雲成都人少好學博極羣書口吃不能刺譏而好深沈之思成帝時為郎給事

黃門嘗奏甘泉河東校獵長楊
四賦又著法言及太玄經等書

楊

終

字子山成都人習春秋為郎小吏詣京師
受業顯宗時召拜校書郎中嘗受詔刪大

史公書為十餘萬言又著春秋
外傳十二篇改定章十五萬言

李

尤

字伯仁新都人少以文章顯名侍中賈逵
薦尤有相如揚雄之才明帝召作東觀辟

雍等賦拜諫議大夫太子廢為濟陰王尤上書切
諫順帝立遷樂安相尤與劉珍共撰漢紀又所著

詩賦銘誄頌七嘆
十典凡三十八篇

諒

輔

字漢儒新都人為郎五官掾時天大旱乃
祝曰輔不能進諫納忠薦賢退惡至今天

地降災咎在我乎若日中不雨乞以
身自焚頃之雲合雨澍一郡霑洽

翟

甫字子超新都人四世傳詩甫尤善老子及圖緯天文歷算徵拜議郎遷侍中安帝時

元舅耿寶及皇后子弟閭顯等並用威權上疏切諫不省出為酒泉太守擊殺叛羌威名大振遷

京兆尹順帝即位拜光祿大夫遷將作大匠屢因災異多所匡正以忤權貴罷歸

何

英

字叔俊鄭縣人學通經緯著漢德春秋十五卷孫汶亦深於學著世務三十篇

任

永

字叔本新繁人少習齊詩遊京師教授十年友人董奉德病死洛陽永躬推鹿車

載表至其家後奔師喪道卒臨命勅兒子造曰必致我尸於師之門使死而有知魂靈方不慙

張

楷

字公超霸子通嚴氏春秋古文尚書門徒常百人五府連辟舉賢良不就順帝詔云

楷行慕原憲操擬夷齊郡守以禮發遣稱疾不起性好道術能作五里霧

張

陵

字處冲楷子官尚書大將軍梁冀帶劍入省陵叱之出勅虎賁奪之冀跪謝陵不應

即劾奏冀請廷尉論罪有詔以一歲俸贖百僚肅然初冀弟不疑舉陵孝廉責曰舉君適以自禍陵

曰今伸公憲正報私恩也

朱

普

字伯禽雙流人為郡功曹刺史與太守有隙許勅之普被逮詣新都獄掠笞連月肌

肉臭腐卒證太守無罪勅其子曰我死載喪詣闕使天子知我心

任

昉

字文始成都人為尚書令梁冀憚之出為平原太守冀誅後昉復為尚書令厓司隸

尉校

趙

戒

字志伯成都人質帝時為司空梁冀弑帝戒與胡廣李固以清河王蒜明德著聞宜

立黨不從改立桓帝
戒官至太尉封亭侯

趙

典

字仲經成都人少篤行博學襲封為太常
朝廷每有疑議輒咨問之典據經正對兄

子諫司隸尉車師王侍子為董卓所受數犯法諫
收殺之卓怒甚而素敬憚諫故不加罪轉為前將
軍擊賊有功封鄆侯卒弟溫初為京兆丞歎曰大
丈夫當雄飛安能雌伏棄官去歲饑設賑所活萬
餘人獻帝徵為侍中時李傕郭汜相攻劫帝溫與
傕書曰於易一為過再為涉三而弗改滅其頂凶
傕怒欲殺之免官歸

蜀漢董扶

字茂安蜀郡人兼通數經善歐陽尚書又
事聘君楊厚究極圖讖至京師遊覽太學

還鄉教授弟子靈帝徵拜侍中在朝稱為儒宗甚
見器重尋為蜀郡屬國都尉年八十二卒始扶發

詞抗論益部少雙故號曰至止言人莫能當所至而談止也後丞相亮問秦處以扶所長處曰董扶能褒秋毫之善
能纖芥之惡

杜 瓊 成都人受學於任安精究安術累官太常
王靜默少言閨門自守不妄交一時名臣如

蔣琬費禕輩皆器重之
著韓詩章句十餘萬言

文 齊 漢州人守滇雲疏鑿陂池厲兵保障甚有能聲

晉 杜 軫 成都人舉孝廉除建寧令政化大行士民
悅服秩滿將歸羣蠻追送賂遺甚多軫一

無所受累遷尚書郎軫子毘為益州刺史
史次子秀為羅尚主簿俱死節於賊

杜 烈 成都人軫之弟歷安陽令明於政事遷衛
陽守聞兄軫亡自表兄子幼弱求去詔轉

犍為太守
蜀人榮之

壽

良

字文淑成都人良少與犍為張徽費緝並知名治春秋三傳貫通五經操身貞素刺

史皇甫晏貢之三司遂辟於太宰除霸城令歷始平太守治政著稱徙扶風轉秦國內史子紹累官大長秋卒葬於洛北印山

柳

隱

字休然成都人少與同郡杜正柳伸並知名隱直誠薦亮交友居厚達於從政數從

大將軍姜維征伐臨事設計嘗敵陷陣勇畧冠軍為牙門將巴郡太守騎都尉遷漢中黃金圍督景耀六年魏鎮西將軍鍾會侵蜀入漢川圍戍多下惟隱堅壁不動會別將攻之不能克後主既降以手令勅隱乃詣會晉文帝聞而義之咸熙元年內移河東拜議郎武帝踐阼以為西河太守在官三

年以年老去官乞骸還蜀卒於家年八十長子充連道令次子初舉秀才

任

熙

字伯遠成都人漢大司農昉之後世有名德父元字秀明健為太守執金吾熙治毛

詩京房易通五經事親至孝居喪毀瘠為州鄉所稱察孝廉除南鄭令以病去官復授南鄭不就轉梓潼令為政清靜辭疾告歸太康中除越蕩護軍非其好也不往徵給事中終以疾辭而蜀郡令每至官為之修謁歲致羊酒即家拜朱提太守固讓不之官好述作詩誄論難皆燦豔年六十九卒於家子蕃察孝廉蕃子迪俱知名

何攀

鄆縣人初為益州主簿泰始十年益州刺史皇甫晏表請討汶山白馬諸夷時盛夏

出兵其所將中州兵蔡雄等以汶山道險又畏諸夷強遂引牙門張宏等殺晏誣其欲率已共反故

殺之求以免罪攀以母喪在家釋衰經詣洛訴晏忠孝而宏等惡逆詔以王濬為益州刺史斬宏等咸寧三年三月詔罷屯田兵大作舟船為伐吳計攀以為佃兵五六百人作船不能卒辦後者未成前者已腐宜召諸郡休兵借諸郡武吏並萬餘人造作歲終可成濬從之即令攀典舟船罷仗冬十月遣攀詣洛表吳可伐後累以功封西城侯官大司農

南北朝羅研

字深微成都人有文學為刺史鄧元起屬吏蕭淵藻以私憾殺元起而誣以反

研詣闕訟之上贈元起征西將軍後刺史蕭恆聞研名辟為別駕時即盜大起或嘲蜀人貪亂對曰蜀川積弊實非一朝窮迫之人十有八九束縛之吏旬或二三若家畜五母雞二母彘牀有百錢布被甌有數升麥飯雖蘇張巧說於前韓白接踵於後將不能使一夫為盜況貪亂乎後為散騎侍郎

隋何

安

郭縣人少敏有口才初事梁湘東王嘗上疏陳八事後歸隋與蘇威有隙出為龍

州刺史時有員芟遊者安皆為講說在職三年以病請還後為國子祭酒卒謚曰肅

五代孫逢吉

成都人博學尤善毛詩孟蜀時為國子博士檢校刻五經於蜀學同郡林罕亦

善文學著說文二十篇目曰林氏小說附刻於學宮

李

起

成都人仕孟蜀為補闕蜀以李昊領威信節度起授故事謂宰相無領方鎮者持論

侃直昊畏之語曰以子之才能慎默當為翰林學士起曰喉無舌乃不言耳

宋

卞

震成都人孟蜀進士為渝州判蜀平仍舊職會賊圍城震率士卒戰守與刺史陳文襲

夾攻破之賊遂平子襄舉進士知將樂縣咸平中為淮南轉運明敏有幹局所至著名

歐陽迴

華陽人父珣通泉令迴初仕孟蜀累官翰林學士遷平章事監修國史嘗擬白居易

諷諫詩十五篇以獻昶嘉之賚以銀器錦綵後隨昶歸宋充翰林學士卒贈工部尚書

王

求

華陽人為右補闕吳越納土求受命往均賦至則悉除無名之輸或言其多偏私太

宗詰之對曰使新附民蒙天子仁恩雖得罪死不恨太宗大悅

勾中正

華陽人孟蜀時舉進士歸宋補曹州錄事參軍中正精於字學古文篆隸行草無不

工太宗時獻八體書投著作佐郎直史館詔詳定篇韻及雍熙廣韻于若古希古俱進士第

何隨

郫縣人初仕孟蜀為安漢令蜀亡去官詔有司遣吏送隨詣京時巴地大饑送吏取

民芋以自給隨以緡繫芋根償其值民視芋見相與語曰聞何安漢庶必此也

羅處約

華陽人太宗時進士形神豐偉有詞學初知吳縣召直史館卒年三十三有東觀集

卷十

王

著

成都人進士授隆平主簿累官殿中侍御史善著書太宗政暇嘗以文墨自娛著侍

書多所
規益

陳

充

字若虛成都人雍熙中進士及第真宗時累官刑部郎中祥符六年擢西京御史臺

充詞學典贈性曠達善談譎澹于榮利臨終自為墓誌有中庸子集二十卷

任

玠

成都人通經史曉音律琴奕丹青皆得其妙真宗合試學士院撰詩一千二百韻以

進賜進士授汝州團練推官玠具野服捧告身詣登聞鼓院納還西歸

李建中

成都人太宗時進士累官太常博士表陳時政歷知曹解蔡頴四州終判太府寺性

簡靜恬於榮利善書札隸篆籀俱入妙有集三十卷子周道周士相繼登進士第

薛

映

成都人好學有文知開封府為治嚴明陞江南轉運使歷知數州雖初鳴即起冠帶

黎明決事雖寒暑無異累官禮部尚書集賢院學士卒謚曰文恭

梅

摯

字公儀新繁人天聖進士性淳靜平居未嘗問生業仕為侍御史嘗力論外戚李用

和不宜加平章事又言張堯佐緣官掖以進恐累聖德仁宗嘗稱其言事有體後歷知數州有奏議

四十
餘篇

何

刻

字聖從成都人景祐間進士為殿中侍御史嘗極陳夏竦奸狀仁宗諭曰古有碎首

諫者卿能之乎對曰君不從諫則臣碎首今陛下
納諫如流臣何敢掠美累官龍圖閣直學士尚書

丞

何維翰

字叔良成都人試南省不第遂不復應舉居
鄉里以教導為事薛簡肅奎薦其文行賜

粟帛韓魏公琦安撫劄南時蜀大旱維翰募民間
得米千斛以助賑濟琦嘉之薦授四門助教辟府

學說
書

吳師孟

成都人慶曆中進士及第博學善修書文
名甚著官至通議大夫子鎮初登第即求與

修唐書歐陽永叔以其年少拒
之及書成鎮乃作唐書糾繆

呂陶

字元約成都人皇祐中進士其先曰懷王
曰公立世以風節聞陶通判蜀州知彭州

俱有政績哲宗時除殿中侍御史上疏論蔡確韓
鎮章惇之奸以集賢院學士出知潞州後入元祐
黨籍

張唐英

字次公新津人有文學探蜀檇机嘉祐名
臣傳皇祐中登進士英宗朝進慎始書授

臺官范蜀公薦之擢殿中
侍御史裏行丁父憂卒

李謹交

成都人幼穎異讀書一過輒能成誦父師
罷之年十四舉進士嘗進牡丹詩仁宗嘉

之官至鄂州
觀察推官

范鎮

字景仁華陽人仁宗時知諫院務引大體
常請建儲面陳激切至泣下帝亦泣曰朕

知卿忠鯁當俟之前後章凡十九上不聽轉翰林
學士論新法與王安石不合以戶部侍郎致仕司

馬光嘗曰勇決吾不如范景仁卒謚文忠有文集百卷

范百祿

鎮兄錯之子第進士又中制科累官翰林學士哲宗朝上言分別邪正之目以類相

反者二十餘條以龍圖閣學士知河南府卒謚文簡
繫囚後以資政殿學士知河南府卒謚文簡

范祖述

百祿子知鞏縣鑿南山導水入洛邑無水患以百祿在黨籍謫監中嶽廟久之知台

州秦罷黃柑葛葦之貢靖康中避地汝州與汝守趙子櫟共城守旁郡盡陷汝獨全累官朝議大夫

范祖禹

字淳夫鎮之從孫舉進士為校書郎從司馬光修資治通鑑有史才歷官侍講勸帝

日御經筵除諫議大夫請帝先辨邪臣為翰林學士講說明切世稱講官第一後章惇譖之竄化州

卒所著帝學帝鑑
仁皇政典行於世

范

冲

祖禹子紹聖中進士高宗時為宗政少卿直史館先是祖禹修神宗實錄盡斥王安

石之誤為蔡京所惡謫死嶺表至是命冲重修神哲兩朝實錄累官至翰林侍講學士

王

珪

字禹王永之後弱歲竒警日誦數千言舉進士通判揚州後為翰林學士文章閎麗

自成一家朝廷大典冊多出其手累官尚書左僕射兼門下侍郎封岐國公卒贈太師謚文恭有華集陽

梁

鼎

令華陽人祖鉞孟蜀劍門閬使父文獻乘氏令鼎擢進士知梯歸縣為度支判官建議

興水利歷知數州皆有政績磊落尚氣節好學工篆籀著隱書史論等書

李大臨

華陽人嘉祐中進士累官秘閣校理徹居陋巷時仁宗遣使賜御書使者見大臨親

珠馬還秦帝曰李大臨真廉吏也大臨清整有守
議論識大體神宗時知制誥屢言青苗之害時論
之偉

鄭少微

字明舉華陽人少孤力學元祐中成進士
時蘇軾知貢舉得少微及郫邑楊天惠三

喁李新時人稱為三雋宣和間上書論時政坐廢
貧無田宅寓居金繩院十五年不屈其志學益古
文益工後徙居臨邛自號木鴈居
士後官至朝請郎有集行於世

李

旼

華陽人以學行為鄉里所稱初蜀士不樂
仕宦張詠敦勉就舉旼遂登第累官知榮

州自號谷子所著歌詩雜文總百卷張詠語錄三
卷孔子弟子傳贊六十卷同舉者成都張及歷官

御史張達歷官
職方皆有時名

王琪 華陽人舉進士歷知數州政

蹇周輔 雙流人少與范鎮何剡為布衣交舉進士知宜賓縣累官河北都轉運使遷刑部周

輔強學善屬文子序辰亦善文仕至翰林學士承旨

宇文昌齡 雙流人進士神宗時為監察御史職事修飭累遷太常少卿詔議郊祀合祭論

者不一後竟用昌齡議出知梓壽等州徽宗立為戶部侍郎建議歲省陝西糴價五百萬子常累官提舉成都路茶馬盡革宿弊馬遂溢額進祕閣修撰知夔州府

謝湜 金堂人元豐進士官至國子博士伊川高弟入京師過洛見伊川問曰何之曰將試

教官伊川曰吾嘗買婢而欲試之其母怒曰吾女豈試者今求為人師而試之其不為此媼怒者幾

布浼遂
不行

宇文粹中

雙流人以文學稱
累官至尚書右丞

宇文紹節

粹中子登進士第累官端明殿學士僉
書樞密院事多所建明朝廷咨訪蜀事

紹節審而後言皆周
悉事情卒謚忠惠

尹

瞻

溫江人以博通知名舉進士嘗通判永州
建學訓士一日城中火且風瞻具朝服向

火拜風
止火熄

許

樊

進士哲宗時為侍御史章惇請發司馬光
呂公著家樊曰此非盛德事也乃止惇又

欲殺元祐諸臣如漢唐誅戮黨人故事樊又曰本
朝治道遠過漢唐者以其未嘗殺戮大臣也事亦

寢

謝

潛

澁之弟元祐進士與兄齊名學術醇正議
論剛方未嘗少貶以授時好嘗詆安石新

法遂坐黨籍廢銅頓頓
以至終身時頗惜之

趙介

甫冠舉進士常撫威州夷人遮道挽留擢
侍講入經筵所著有易傳論語孟子講義

漢書筆記北征錄後漢
纂言通鑑綱要等書

勾

濤

字景山新繁人崇寧中進士累官史館修
撰後為湖北安撫使知潭州秦檜嘗命人

諭意欲與共政濤辭乃上書論時事之害政
者高宗歎其忠有文集西掖制書奏議數卷

勾龍如淵

淮縣人政和中金遣使議和許歸河南
地使者侶甚議受書之禮未決如淵建

議取其書納禁
中人情始安

楊希仲

新津人未第時館成都富家主人少婦調

處他鄉能自操持不欺暗室神明知之當令魁多
士以為報歲暮希仲歸妻因問之乃言其故後果

發解登政
和進士

張孝祥

字安國溫江人紹興二十四年廷對高宗
擢孝祥第一以為祕書郎累遷起居舍人

孝宗時為集英殿修撰張浚與湯思退不協孝祥
言二相當同心戮力以副陛下恢復之志歷官荆

南湖北路安
撫使請祠卒

楊天惠

鄆縣人幼警敏嘗取韓愈歐陽修文集縱
觀作歌行十數篇舉元豐進士徽宗時上

書言事甚剴切後入
黨籍有文集行世

孫松壽

鄆縣人字巖老博學工文詞紹興中進士
剛方廉潔不求人知居官決事多用經術

嘗守漢嘉甚有惠愛范成大入蜀引松壽薦於朝
召用不起趙雄在樞府侍上言其賢詔特轉一官
賜三品服趙汝愚入蜀復奏松壽掛冠勇退幾二
十年內行素飭終始不渝乞賜褒表以勵風俗除
直祕閣松壽素清強晚而彌壯年
九十餘乃卒蜀人號為牧齋先生

楊應詢

鄆縣人歷知信安保定軍為河北沿邊安
撫使有政績知雄州治兵積粟夷人不敢

犯邊後為定州真定大
名副都總管益康理

鮮大年

灌縣人令綿竹存心公恕蒞政勤敏不為
豪猾所撓凡事之廢墜及前人所憚為者

卷八
悉舉行之

胡晉臣

崇慶州人紹興末進士為成都通判孝宗召對除著作佐郎時近習用事晉臣極論

之出知漢州後為侍御史林栗奏朱熹傲慢晉臣上疏留熹累官叅知政事與留正同心輔政卒謚

靖文

李

繁

崇慶州人第進士為隆州推官攝綿州賑饑活十餘萬人又知永康提刑成都路兼

提舉常平歲饑又賑活百七十萬人知興元府奏罷和糴之法梁洋間繪像祀之遷太府少卿繁講學臨政皆有源委撰桃溪集百卷

劉光祖

簡州陽安人登進士第為潼川提刑司檢法淳熙初召對論恢復事稱旨光宗時為

殿中侍御史極論道學所繫甚重撰涪州學記諫
官指為謗訕奪職謫居房州終顯謨閣直學士奉
祠卒謚文節
有後溪集

趙全叔

簡州人性孝友歷合嘉雅三州推官累官
華文閣待制知興元府治行皆可紀所著

述甚
富

宋德之

崇慶州人慶元初累官武學博士與諸生
論八陣之象本乎八卦奇正之變往來相

生而不窮娓娓數千言甚得其旨出知閬州又自
湖北提刑召為兵部郎官朝論疑安丙德之言蜀
無安丙朝廷無蜀矣時
避其言歷官知眉州

許奕

簡州人慶元五年第一人及第授東川節
度判官韓侂胄議開邊奕貽書甚言不可

以給事中使金人禮送甚恭累官實謨閣直學士知潼川府奕天性孝友家庭無間言在朝論諫甚多稱骨鯁臣通籍諫書所著有毛詩說論尚書周禮講義等書

趙彥叻

彭縣人少以才稱吳曦叛以祿禧為偽守守夔彥叻結義士殺之遂顯名於時嘉定

中經理西和州金兵再至戰却之在州五年得軍民心端平初官為四川制置使

許

彪

奕之子始定中知中江作義冢於亞松山遺骸暴骨無所歸者悉瘞之尋以內艱去

重道守禮人稱其不愧家學云

元趙世延

成都人先世居於雍父為元帥鎮蜀因家成都世延究心儒者體用之學擢御史劾

僧格不法鞫獄平陽發伊呀圖賊巨萬歷四川肅政廉訪使軍官抑良民為奴痛加懲治又修都江

堰入為御史中丞劾丞相特們德爾罷之進大都
留守乞外拜四川行省平章開巴縣江津屯田七
百八十二頃歲粟三萬七千七百石仁宗崩特們
德爾復相逮世延至京下獄逼令自殺世延不為
動拜珠為言其寃乃得釋文宗拜為中書平章監
修經世大典封魯國公養疾還成都卒謚文忠子
伯夔州路總管死於囊嘉
特之難贈蜀郡公謚忠愍

費

著

華陽人進士授國子助教有詩名居母喪
盡禮哀毀骨立歷漢中廉訪使調重慶府

總管卒於犍為兄克誠亦
擢進士時人謂成都二費

黃澤

澤於名物度數考覈精審而義理一宗程
朱作易春秋二經解三禮述畧大德中授

江州景星
書院山長

張璽

灌縣人僑寓江左從金華王柏學六經語孟以及周程張朱之書靡不潛心講究至

元中行臺中丞吳曼慶延至江寧學遠近翕然尊師之稱曰導江先生有經說文集行世

明王平

新繁人洪武間以御史遷河南僉事行部孟津宜陽屬吏有謀以貨撓法者平以狀

聞特勅褒獎累官右都御史

焦敏

灌縣人洪武間以貢生任永豐訓導襄義薦擢主事歷刑部員外卒於官敏諳刑名

而行之以恕所至著冰蘖聲曾孫韶登成化進士授刑部主事陞武選郎中出知曲靖境產瑞木府民歌曰一本二穗嘉穀滿田太守焦公仁德及天為立生祠祀之終副使

楊直

漢州人洪武中監生授監察御史謹持憲度歷文陞按察使

周

滿

字謙之漢州人幼穎慧登進士初授主政理事之暇六經書史子集無不精研其說

為文富瞻累官都御史宦途所歷如滇南宣大汀度皆有異績後家居益肆力於學著有周易象義

春秋原義受庵文集共若干卷

鄭彥文

彭縣人元貴州宣慰使洪武間授誠安撫播貴水西畢節有功擢戶部侍郎守貴州

鄒昱

華陽人僞夏平章鄒興之子興治民有思為夏守瞿唐死於陣太祖義之命入祀昱

於永樂初以監生授漢中府同知勤政敢為終湖廣布政使

劉成穆

崇慶州人奇穎不羣齡齡善文辭年十五登賢書即以是歲成扶夢卒蓋唐李長吉

之流也所著有註情集傳於世

揚自泊 崇慶州人舉孝廉初知萍鄉縣陞袁州府
丞刑部員外後合憲滇南屢著賢聲鄉評

重推

王紀 鄆縣人以明經入太學見推六館知宛
平縣公正廉慎綽有成績歷儀制郎中

李全 鄆縣人任南大理評事謙恭慎密達
於政體斷獄主平恕時以正人稱之

尹淳 崇慶州人正統中舉孝廉授狄道教諭言
動不苟以身率人九年擢御史巡按雲南

摘發奸宄所至有聲歷官忝
政致仕歸著陶洽集二十卷

莊昇 成都人正統中進士任御史秉性捐介
憲山東前官曾厓金署中而卒僕掘得金

昇遣還前官之子未幾昇亦卒弱子扶觀歸家貧
甚蜀藩賜以墓地都御史汪浩恤其家始存活

何漢宗

溫江人正統間進士歷官副使平生尚氣節不隨時俯仰居官清介學士周宏謨稱

為鐵石
心腸

楊

觀

新都人正統中進士任御史調蒲城知縣新都舉進士自觀始居官行已卓有聲稱

杜

銘

金堂人正統間進士性孝友與人誠信能決大事辨疑獄位至司寇歷官五朝忠勤

如一身
退世稱完人

桂

山

字本寧成都人南唐司空桂峴之後登景泰辛未進士歷戶部郎中練達廉潔凡有

關軍國者雖啼衆力為之不顧司徒馬昂甚稱之陞廣西叅政守左江時大藤峽猛獠寇南寧巫山一日馳至還土兵據要害以禦之烽火相望寇懼俱遁去民賴安堵自是蠻夷畏其威不敢肆云

洪冕

字廷章成都人登景泰進士任為御史歷官參政遇抑權豪振肅紀綱所至政聲卓

然

桂茂之

成都人山之姪景泰甲戌進士官戶部歷郎中陞雲南叅議廣東右叅政恬靜清勤

精於吏治所至有聲弟萃之成化丙午舉人子珠正德丙子舉人居官咸有冰玉操士論重之孫嘉孝嘉靖中進士人以為茂之積德云

梁萬鍾

溫江人景泰間進士知仁和興利舉廢崇教厚俗邑民繪像祀之擢知杭州治西湖

於患陞兩浙鹽運使未幾乞休坐逆瑾倚撫代償逋負三十兩盡鬻田產輸官恬不介意年九十尚

無恙訓課子孫相繼登科

温

琮

華陽人景泰中進士任御史巡按雲南時藩鎮錢能貪橫琮執法不撓風裁特著能

始斂跡弟璽成化間成進士歷陞河南叅議時人有難兄難弟之稱子仁和亦累官禮部尚書大學

士

謝秉中

華陽人天順間進士任御史剛介正直不避權倖尋陞雲南副使

王

弼

華陽人天順間進士初知開化豪民余聯勒奪人田土妻女持府縣短長前令不能

制弼以法繩之其黨懼誅火牛尾為厭勝術弼捕之急乃夜持七首匿公廨將害弼為雷震死後擢監察御史平反獄囚數十人陞福建僉事漳南温文聚衆為惡弼以計獲斬之衆遂散弼質實清慎居喪三年足不至公府子汝舟汝梅俱登進士

王汝舟

粥之子進士歷官至左布政使薦實剛明心貌如一致仕歸家惟有圖書而已

王銓

金堂人博學能文登天順間進士授刑科給事中多建白有直名陞河南左叅政得

士民
心

革從時

成都人登天順中進士歷主事員外郎以直氣自負上疏言五事曰開言路明義利

汰冗官嚴考察飭邊務多見施行後忤權貴調知濟寧州卒

張賁

華陽人成化中進士歷太僕少卿謙恭勤儉所至皆得民心退歸山水自娛益堅孤

介鄉黨
稱之

李宗泗

彭縣人成化辛丑進士任池州府推官入為御史一時多所建白有褒崇宣聖控運

邊儲諸疏尋擢令憲築臨清河堤朝廷賜金帛勞
馬閔廣寇儼以憲副備兵南贛城會昌以扼其衝
卒於宮所著
有挹清軒集

莊

誠

成都人昇孫力學茹苦中丁卯鄉試教諭
公安課士作人得袁宗道卓有藻鑑士皆

服之移令徐豐多善政擢趙州守瀕行盡括贖金
二千緡為民抵逋賦蘇活萬衆累官朝陽郡丞以
勞卒於官行囊蕭然子祖詒舉孝廉祖誥祖誨成
進士俱以忠烈著詩書孝悌醞釀家庭才望庶聲
琳瑯官績人謂
皆誠之積善云

何琛

成都人登成化中進士知義縣有善政拜
御史清理湖廣貴州糧儲及巡按雲南風

裁凜凜權豪斂跡時征叛夷劾將官擅殺冒功者
黜之陞山東副使調江西觸逆瑾罷職瑾誅起為

湖廣按察遷貴州左布政使卒於官時論重之

陳一經

成都人登成化中進士歷任左布政使清介不阿致仕歸杜絕請謁鄉評重之

許淳

成都人登成化中進士歷陞雲南布政使抗逆瑾有直聲家居篤實謙慎為衆所服

趙永禎

成都人登成化中進士知汝州平易近民時豪強據公渠專水利永禎疏濬復舊民

賴之官至南京刑部員外著竹憲小草

楊

政

新都人先世居楚元末有避亂入蜀者嘗活數百人即其鼻祖也政以監生授永寧

吏目公廉平恕州地廣人稀招佃鄰境與土民共耕而收其租鄰守請納厚價買之政時署州印持不可曰他日生齒漸繁吾不為怨首手後知州至卒如其請分價數百以遺政政不受後卒於官長

子次子繼逝餘子俱幼妻熊氏護三喪還中途阻
兵僑寓三年乃得歸家熊性嚴有德以義方教後
人故子孫多顯官政屢
贈少保文淵閣大學士

楊廷和

字介夫新都人成化中以奇童中鄉試弱
冠登進士官翰林檢討歷陞翰林學士兼

戶部侍郎為劉瑾所嫉改調南京後召拜華蓋殿
大學士兼吏部尚書與梁儲蔣冕同心輔政武宗
無後廷和議迎立肅宗登極後旋以議禮落職廷
和怡然歸里卒於家隆慶初追復其官謚文忠

湯

仰

新都人進士任部郎出知衢州府累官布
政使惠政流聞致仕歸仕官三十年囊無

餘蓄產有銘曰勢無使盡福無享盡事無做盡言
無道盡以此養德庶幾身潤廷及子孫亦有餘慶

此可見其
大都云



楊有仁

廷和之孫登進士即具疏論時相以母老不果上鄒元標廷杖歸衆莫敢問視有仁

獨送之國門以行人選侍御史抗論不避權勢累遭河南僉事遂拂衣歸居鄉清儉雖出相門無異

寒士

楊宗吾

廷和曾孫以任子官錦衣指揮開採中州不欲煩民抗章求罷禍幾不測然中州竟

藉以罷役初與監瑤同事瑤橫甚宗吾屢上疏劾之由是權璫斂迹中州人甚感其惠

廖

鈺 崇慶州人成化間進士奉改額米千餘石州民稱快知監利西安二縣有惠政遷雲

南大理同知歷廣南知府築城池興教化致政歸進階三品

盧

英 字文華崇慶州人幼篤孝弟宗黨稱之稍長肆力於學得一善言終身不忘登進士

知黃巖縣俗狡詐強悍未十年而縣令去者六七
英為政以愛民為本內質實而外端方所行多善
政百姓畏
而愛之

任

漢

溫江人成化間進士歷御史抗疏論列權
貴悉皆致避林俊稱真御史累進布政使

陞右副都御史總治鄖陽經畧三省多所建白陞
大理寺卿平生孝友容止矜莊有詩六卷奏議十
卷

王資良

金堂人成化間進士官兵部郎中遇事精
審不紆不迫名公卿咸禮重之擢臨安守

夷民雜處難治良大布恩信民愛之如父母雅重
風教士經指授者咸登科第晚年吟咏陶然自得

胡倫

字天叙漢州人進士初授主事累官郎陽
知府甚有惠政秩滿當遷以忤逆瑾遂歸

卽民慕之不忘嘗鑿井
府治西稱曰胡公井

曹山

什邡人弘治間舉孝廉任杭州府推官讞獄多所平反擢寧波府同知有勢豪橫行

者山以誠感之清出侵田二十餘萬畝減賠糧米七百餘石至今民受其惠

李志剛

成都人登弘治進士歷刑部員外首劾逆瑾不法推廣東僉事平劇盜復民田以萬

計民立祠祀之居家友愛四方從遊之士相望於門

萬輔

崇慶州人舉人持重簡默崇俗尚浮屠輔思易之親喪遵行家禮儀節鄉人感化誘

曰萬民一呼喪禮皆儒初訓居巢後論穀城諸生皆法之稱曰純庵先生

教選

金堂人少孤貧嗜學不倦後成進士授上海令痛革時弊請託不行行取廣西道御

史彈劾不避權貴請告還家囊篋蕭然卒之日無以為殮聞者感歎

何守拙

字子工簡州人少穎敏講明心學尋以鄉薦令楚之永明崇正黜邪擢麗江同知會

追論土酋鳳氏之亂死事者入崇祀典惟張澤如制而議者將欲濫及守拙以詩諷當路不悅竟罷去

王伯

字希召灌縣人弘治中舉孝廉知蘄水縣仁恕明敏建浮橋築隄於巴河鎮民咸賴

之祀
鄉賢

李

璩

彭縣人以鄉薦司訓襄陽夜有賊入室以米肉遺之賊感泣為善遵順德諭聞陳白

沙講學往見之坐語移日白沙數曰君資可以入道

顧

必

字民表成都人正德中進士知豐城縣興學省刑築隄捍水時宸濠謀逆以重兵阻

江必飛馳告變於南贛巡撫王守仁守仁急會諸郡合兵進討南昌遂擒逆濠叙功首薦起陞大理寺丞遷少卿免歸後言官交薦被命起用必曰吾衰矣恐無以報朝廷未幾疾卒聞者惜之

劉士元

彭縣人七歲能文二十登進士正德中任貴州巡撫平生孝友藹謙才猷文雅為時

重推

祝弘舒

溫江人正德間進士任寒山令賑歎恤孤以才能調浙之太平俗不舉女弘舒下令

嚴禁全活甚多陞江淮鹽運使乞休歸著程野漫興若干卷

范時儼

成都人正德中進士好古博學偶儼有文武才命憲滇中道聞安鳳之變星馳入省

慨然以討賊自任鎮巡侍重撤領六路兵攻賊不
血刃而地方廓清後以外艱歸廬墓三年服闋力
請養母躬耕浣溪
囊無長物恬如也

姚

激

崇寧人登正德辛未進士世宗御極臨軒
奇其貌有特簡意會激病卒崇有科第實

自激始兄溥亦仕為潛江
令皆有才名時稱二難

李

佶

金堂人正德間進士選翰林庶吉士嘉靖
初拜御史巡按浙江獨持風裁一時翕墨

望風解去奏革織造太監以剛直
忤時相毅然乞休縉紳重其風節

桂嘉孝

成都人茂之孫嘉靖癸丑進士初任車駕
司主事綜馬政修邊牆移武選郎中持公

襄英擢守漳州府時寇薄漳城嘉孝乘間入漳慰
安居民申嚴戰守賊衆尋遁去士民尸而祝之轉

淮浙鹽運使歲增鹽課數萬緡一介不取辨烏程李令之誣雪屠氏二女殺父之獄人人頌德焉歷官二十年卒

周

俶

成都人嘉靖辛丑進士居官清謹充直為南京兆尹人畏其嚴尋請告歸里日惟種

樹治圃門庭寂然鄉評重之

劉

進

成都人為人剛直舉嘉靖戊午孝廉作宰滇中時直指某同鄉也進不樂庭見遂殺

然掛冠歸家無長物守道終身

陳

傑

字位卿成都人舉孝廉仕楚廣濟令澹於名利技牒而歸家居三十年鄉閭以為矜

式年九十無疾而逝

周

遜

成都人嘉靖中進士以疾居家後徵為刑部主事累官雲南參議辭歸清操勁節為

時推重有
五津詩集

何

全

字原學成都人嘉靖中進士自少以文學孝行稱歷官江西參議有惠政時濱海倭

患甚亟全追海寇于南隴平倭寇于蘇常且奏減稅租以蘇民困士民立生祠以祀之

周以庠

始生之夜母夢李白至其家九歲能吟咏春日口占云自歎春回寒未減固窮不肯

賣心田廣居宜但餘千履時價何曾值一錢父歎其早慧及長領鄉薦赴京途遇一廷試貢生被盜囊竭以庠許以三十金為助言訖亟取與之生感其惠且訝其速以庠曰凡人善念易起易止恐轉念故耳

王

印

字德微華陽人嘉靖戊午鄉薦任粵西義寧縣有少年武斷一邑者印擒治之乃潛

置毒害飲害印印不死民以為神素性嚴重恥干謁蜀中當事多重之

焦

瑀

雙流人以貢授處州通判時海寇猖獗瑀誘其酋長來降逮同知致仕後奉詔存問

進階知府

顧紹履

成都人文章德行為里中儀型嘉靖辛酉舉人補國子助教歷西安同知所至持廉

守法有惠政致仕歸子道領丁酉鄉薦道子其登癸丑進士

樊景麟

彭縣人進士知長沙民謠曰樊作長沙官止飲長沙水仕至雲南憲副忤巡撫意被

勅朝臣皆素知景麟共言善狀巡撫罷景麟亦掛冠而歸

邊維垣

字師甫彭縣人進士初授南工部郎權蕪湖清慎奉法忌者反以京察中之調禹州

同知未幾攝守事出重囚物無辜士人白部使者竟釋之京陵王不法藏納亡賴陰署邏卒悉捕繫之置法又攝睢州條省里徭千六百金郡有張烈婦死節甚奇議旌例宜聽臺請維垣曰表節守臣職也若候會勘移文則停閣數年而不得慰幽魂竟自奏行為州佐凡期歲兩上章名大顯破例內轉累官江右巡撫轉南工部侍郎屢上疏求去皆慰留卒於官朝野惜之

李鳳毛

字于翔彭縣人嘉靖庚戌進士由大名府推官行取御史巡按宣大時北敵方熾鳳

毛區畫戰守前後凡三十餘疏皆報可陞光祿少卿會涼樓災自陳待罪上念邊功置不問復疏清查破冒歲者光祿十餘萬金未幾遷南太僕最世蕃惡其不附已假風靈考察致仕歸

馬朝錫

字晉卿彭縣人進士起家蕭山令調安東開荒田招流徙後權闢蕪湖奉革船稅以

便行人尋以讒歸朝野惜之
著有捫參樓集五道原等書

劉藻

字文潔彭縣人以太學生領順天鄉薦為富平令政教兼舉不避權勢未久乞致仕

歸聚徒講誦以冲淡自守

唐廷珍

字宗儒彭縣人由選貢令安化縣平易仁恕清修苦節百姓戴之

顧紹傲

字善夫號右江成都人年十九即有志程朱之學復深究易理手抄諸儒語錄三十

餘卷創宗祠家塾更置義田以供祭祀其子造成進士為臺臣紹傲封御史論者謂其宜祀於鄉云

焦維章

灌縣人嘉靖丙戌進士歷河南大叅三典文衡兩司學憲清謹正直皆著藻鑑云

胥

鉉

華陽人嘉靖庚子舉人性朴忠耿介
官提舉尤謹修職業未幾遂拂衣歸

鄒華南

新津人嘉靖間進士累歷
仕途居官清正卒祀鄉賢

姚繼先

成都人中隆慶丁卯鄉試累官平涼知府
時值大旱繼先禱雨立應又捐俸設粥賑
饑活者萬計累陞任太僕少卿以生母訃歸
里遂堅卧不出所著有紹菴文集若干卷

楊師心

字觀吾華陽人舉孝廉日以歌吟自娛且
慮當時文體卑弱獨以文學教士類人多
宗之比於梁山來徵君知德當事薦於朝
會師心以疾卒事遂寢時人稱徵君云

李商耕

華陽人萬曆癸未進士以父先芳年已耄
耄陳請終養事親幾十年起遷戶部主事
監稅德州薨囊罄察廉貪屬吏望風斂敢擢守襄
陽後忤權璫左遷兩浙運同商耕不辨毅然解組

裏人為之立
去思碑云

王德敷

萬厯間以貢生任荊州府教授致仕家居
足不至公門日以訓課為事隆冬歲暑講

習不輟壽九十卒
時人稱為典型

鄒遇

新津人萬厯中進士歷江西布政陞湖廣
巡撫卒於官生平剛方耿介以禮自持周

恤鄰孤里人
重之祀鄉賢

何存敷

字念卿成都人萬厯丁丑進士歷刑部郎
時京師大俠鄭任成者歐死平人人不敢

問司寇以屬存敷卒論如律陞雲南僉事條弊政
十議積蠹一清時永昌兵變賊扶威同知為質存
敷密謀出奇擒之賊卒授首威得
無恙旋以養疾歸里十餘年卒

李元齡

字仁卿華陽人幼聰敏以奇童稱中萬曆丁丑進士任臨清州知州入為都水郎治

淮河工最加四品服俸旋以養母請告後起平陽知府陞山東按察副使乞休生平好義業師張桂東無子奉之終身歿而立祠祀之著有翼經隨筆及詩文若干卷

劉美

字世德華陽人萬曆甲戌進士孝事嫡母初任洋縣令調金壇兩邑皆著循聲入為

戶部主事司權九江以廉直自矢任滿乞終養所著有臆說雜俎集解

劉克勤

新繁人萬曆乙未進士初任永州司理有聲陞南戶曹管中都倉分毫不取擢黃州

知府操持益峻尋卒於官黃人至今思之

李一敬

華陽人恬靜端方甘貧力學中萬曆辛丑進士任即墨令單車之任約已愛民絕餽

獻屏宴遊風裁凜然竟以勞瘁擢疾危坐廳事卒
櫬歸里第妻孥猶苦飢寒士紳親友皆惻然歎惜
之

費嘉誥

新繁人邑諸生性誠恕處鄉黨間雖遇寒
賤未嘗凌忽後以明經授大行教諭訓士

有法卒於官嘉誥善詩詞生四子長經國貢士官
訓導次經世次經濟皆庠生獻賦陷川經世以不
受偽職遇害次經虞事親以孝聞舉崇禎間鄉薦
任雲南昆明令廉潔端嚴民戴之曰吾邑四十餘
年不見此清官矣時土官吳必奎反討平之驗閱
武定俘民全活甚多陞雲南府同知再遷廣西知
府不之官歸里著
書鄉人服其清介

重慶府

漢謁

渙

江州人仕為汝南太守有公直稱與同邑司諫校尉陳為度遠將軍詩章皆有時名

然

溫

江州人仕為度遠將軍守桂陽長於治民能得其心

譙

元

字君黃合州人成帝時仕為諫議大夫因王莽僭亂遂避之不事公孫述鄉人作詩

之美之

蜀漢董和

其先巴郡江州人徙南郡枝江漢末率族西還依劉璋任成都令時俗侈甚和率以

儉還益州守清約如前推誠服夷南方信愛之先主定蜀微和為中郎將與諸葛亮並署大司馬事

外牧殊域內幹機衡二十餘年卒之日家無擔儲亮追思稱歎不置

晉文立

字廣休巴郡臨江人少遊蜀太學治毛詩三禮廉通羣書累官梁州別駕咸熙元年

舉秀才除郎中武帝方欲懷納梁益引致雋彥拜
立濟陰太守武帝立太子立為中庶子上疏太子
宜選賢佐帝報可立又上故蜀大官及盡忠死事
者子孫雖仕郡國或有不才同之齊民為劇又上
諸葛亮蔣琬費禕等子孫流徙中畿宜見叙用立
事東宮盡輔導之節帝降詔嘉之以為散騎常侍
累辭不許西界馱馬帝問立馬何如對曰乞問太
僕帝每善其恭慎違街尉猶兼都職中朝服其賢
雅為時名卿咸寧末卒乃送葬於蜀使者護喪事
郡縣修墳塋當時榮之又立同郡有毛楚楊崇二
人皆以美德著楚為祥
柯太守崇為武陵太守

母

雅

巴郡江州人學冠四科貢於朝除涪陵漢
平令為夜郎太守夷人感其惠卒年八十

二有

唐李陽冰

合州人開元中為當塗令有政績宗人李
白常往依之善篆書州治景厚堂有所書

積善之家必有餘
慶八字石刻尚存

五代張武

合州人後唐時任王建為破浪都頭大破
高季昌於夔州府歷陞武鎮軍節度使

宋毋夢牛

郡人初授樂源縣尉優於吏事茂著廉聲
累主文試院官至承直郎有全歸集行世

石公恕

江津人以武功大夫知威州有能名常作
文刻碑戒子孫毋得分異子孫世守其訓

張

弦

江津人舉進士召對直言無所避忌
累仕至湖廣總領有幹局長於籌邊

馮時行

壁山人字當可紹興間狀元授左朝奉郎
極言秦檜和議之非出知萬州秦檜諷使

者撫拾其罪坐廢
有縉雲集行於世

趙性

合州人紹興中對策集英有曰以括囊為深計臣知其人矣主和議者當之以首鼠

為圓操臣知其人矣杜言路者當之考官大驚以為劉蕡無以過檜欲罪之值檜卒而止

羅志冲

合州人潛心六經最精於易著易解發明程氏之旨為多

度正

合州人早從朱文公學歷官國子監丞上疏極言李全必反且獻破全之策有三累

連禮部侍郎
有性善堂集

楊載

涪陵人以功名自負金立劉豫載白張浚願得百兩橫行敵中當手刃劉豫以報浚

壯其言遂遣之載偕十士至金偽降金信任之載行反間豫果察十士已亡其八乃決歸浚以聞浚

知永睦縣

蒲國寶

璧山人開禧時狀元
飽飮六藝淹貫經史

趙立

郡人第進士以上書忤賈似道被謫德祐
初起為太社令湖北提刑使起諸將入衛

至蜀時答萬壽已降於元張珏知重慶府方設
城守為後圖立無以復命至涪州沉水而死

元賈長卿

長壽人淹貫經史以文章名凡使蜀者事
政還朝士大夫相訪必首詢曾得賈長卿

文字否其為
人所慕如此

明江德海

墊江人洪武初建學以明經授本學訓導
以身率人多士信服植柏學宮餘蔭猶存

劉

信

郡人洪武初由賢良方正任陝西叅政左
遷東流巡檢從征江介番夷有功陞忠州

千戶

楊金奉

邑梅司人洪武初為長官熟知邊情子孫世襲

冉如彪

酉陽司人洪武初知酉陽州善於化導風俗丕變陞宣撫世襲

柳申

長壽人洪武間任大名府同知尋陞大名知府深得民心童謠曰兒童竹馬街前唱

還是舊官
今日來

李鑑

江津人以鄉舉教諭蒲圻得士子心歷常德知府遇荒設賑多所全活

石敏中

江津人由歲貢任松滋知縣清慎廉介居官如治家備軍餉築城垣民不知困松滋

至今
德之

江孟綸

江津人進士拜御史嘗諤敢言巡按陝西大賑飢民辯民冤抑所著有梅庵集行於

世

江

淵

江津人由進士歷官至學士工部尚書清
勤簡靜忠鯁不阿尤善文詞著觀老錦榮

諸集

王

鐸

榮昌人洪武中由太學生任嘉定
縣丞政績著聞累官交陞布政使

胡

謙

南川人洪武間以鄉薦拜御史風裁凜然
以忤權貴左遷不赴任家居二十餘年而

卒

康

健

合州人初名子榮洪武間由太學生授給
事中受太祖眷注改今名敷奏詳明歷官

二十餘年冰霜
之操終始不渝

莫仲昭

銅梁人洪武中由太學生累官至浙江布政使老成諳練所至多有惠政上下咸孚

陳价

銅梁人累官至都御史歷任三十餘年名實茂著有詩文藏於家弟儵子揆相繼登

科

楊大榮

鄞都人由進士歷江西僉事剛敏多政績學士程敏政為作傳

楊孟瑛

鄞都人進士歷杭州知府不畏強禦居鄉嚴毅人服其介

陳常

長壽人洪武中任常德府同知清戎有法吏民懷畏且鞠訊明決獄無冤滯卒於官

囊篋蕭然
鄉評重之

鄒成

墊江人洪武間以太學生拜御史巡按入閩振揚綱紀吏民畏服

牟

奉

巴縣人由進士拜御史有鐵面稱
歷山東巡撫救荒擒賊有功於時

白

勉

涪州人進士歷官刑部侍郎練達刑名有
匡濟才及卒賜御祭有剛方清介之褒鄉

人榮

劉

岌

涪州人清慎謙和歷仕兩朝眷注獨厚
以禮部尚書致仕居家恂恂鄉人稱之

李

琳

定遠人洪武末由鄉薦拜御史持
憲得體風采凜然陞福建僉事

李

永寧

定遠人由進士守桂林清介
剛方始終一節有古人風

謝

庸

忠州人永樂初由鄉薦拜御史發
奸摘伏行部肅然歷官山東副使

李

允

忠州人進士歷翰林檢討
年屆四十辭歸鄉黨重之

譚 榮

涪州人進士任陝西叅政居家孝友歷官清廉鄉評重之

張 珽

涪州人以鄉薦任知州剛正孝友以所居為祠堂率族衆修祀事鄉人化之

何以讓

涪州人由舉人任武昌令判大名府陳情終養贈懿孝名儒著有兩都賦等書行世

卜孔時

江津人由舉人任同知以剛正忤稅監誣奏繫獄凡十九年宰相申時行請釋之出

獄兩臂俱霜遺漢陽知府事詳明紀

楊 姜

江津人由舉人任蘇州府同知居官清正忤織造監被謫事載明紀

周 榮

台州人永樂間拜御史卓有直聲致仕歸足跡不至公門人服其介

沈 運

重慶府指揮充將守城茂蠻叛殺人運密置兵門內呼蠻至擒以酒食因并其黨

之職

陳

志

巴縣人為燕山護衛指揮命事有謀勇洪武末從靖難兵屢立戰功未樂初封遂安

伯

蹇

義

巴縣人洪武中進士初為吏部侍郎靖難後進尚書成祖北巡佐太子監國熟於典

故政務大體奉命巡應天考察甚公進少師多啟沃宣德初卒在官五十餘年凡歷五朝諡忠定

蹇

霆

巴縣人尚書義之孫歷僉事剛方清儉處事合度吏民感之人稱其不愧祖武云

蹇

賢

巴縣人永樂中任監察御史執憲公平累官布政使有冰蘖聲

伍

秉

合州人正統中進士拜御史性剛介不附權貴劾中書李實并總兵石亨擅權左遷

卒

賈爽

巴縣人景泰中歷都御史剛介廉直不趨時好自居官至乞休如一日焉

江朝宗

巴縣人景泰中進士授翰林院侍讀學士進講經筵多啟沃之助時人俱推重之

陳仲

巴縣人初任通判擒賊有功擢知府解組歸不入城邑鄉人高其志節

蔣雲漢

巴縣人天順中進士歇歷中外德望著累官至布政使一室蕭然清苦莫踰

費廣

合州人由進士拜御史天順初上疏劾石亨擅權謫知求寧改貴池卒於官有約齋

詩文集
行世

李人儀

榮昌人天順中任御史疏劾總兵石亨出守襄陽後改荊州卒於官

何仲山

涪州人成化丁酉舉人任武安令苞苴不行人稱其廉致仕歸里崇祀鄉賢

趙

炯

永川人成化中任瀏陽令拜御史擢雲南副使廉正明達番漢悅服以忤時相謫漢

中府
同知

羅廷唯

永州人進士知棗強縣盜賊斂跡後拜御史條陳時政皆見嘉納

朱光正

大足人成化中由舉人知河西剛明廉謹得吏民心交趾侵邊光正喻以大義夷退

當道書談笑
却兵旌之

王璽

合州人成化中進士授給事中封駁奏對著聲於時擢叅議浩然乞歸家居二十餘

年

劉規

巴縣人成化中任御史立朝有聲以忤權貴罷歸子春貴贈尚書

羅九鼎

合州人成化間進士筮仕大理評事多辯寬抑致仕歸家杜門不事請謁鄉評稱重

馮衡

合州人成化間進士風度沈遠令吳江大著彊項聲未幾拂衣歸徒步千里與陳白

沙遊白沙高其誼以見一顏其堂以唐詩有相逢盡道休官去林下何曾見一人之句也

何梯

合州人成化中進士拜御史歷任十餘年囊無羨金薄田數頃與族人共之年踰八

而終無疾

曾昂

銅梁人成化中歷官知府有文學能知人長於政事所至常有去後思

張禎叔

巴縣人成化中歷官都御史以直言謫官風節為時所重

陳

瑞

忠州人弘治初以進士拜給事中疏劾中官郭鏞乞罷內侍官不得參機務上嘉納

之陞光祿卿請禁浮屠罷國醮及減奢費等事後省親道卒聞者咸歎惜之

詹

奎

巴縣人弘治中進士為戶部郎劾權奸掛冠歸後以徵召復起歷官十餘年家貧如

故

曹

救

巴縣人弘治中進士任刑部員外郎治獄無冤出使晉藩餽遺無所受好古力學為

時所重

姚學禮

巴縣人弘治中進士歷參議性忠侃初居南臺以敢言忤逆瑾罷歸人稱其忠節

楊應春

長壽人歷任有政聲長於文學著世德補拙集

郭明郁

長壽人以鄉薦授學錄深潛有識所著有五經註北山文集

聶賢

長壽人舉進士由御史陞按察使事歷刑部尚書以疾乞休

楊

慶

長壽人任通判深得民心去之日士民遮道泣留時有羣燕飛繞其車人以為仁愛

感所

戴

錦

長壽人舉進士弘治中抗疏請除壅蔽權貴忌之中傷落職貧不能歸流寓徐淮間

授徒自給久之及歸著綱菴諸集行於世

余能繼

長壽人生平剛正邑紳士憚服之以鄉薦授枝江令清明允德受在民恥阿附權

要遂拂衣歸請書教子自娛

劉 莖

涪州人正德初任給事中時劉瑾擅權首抗疏極言其奸被廷杖落職瑾敗起守金

華尋歸世宗初復徵為江西副使以疾卒

胡守約

合州人正德初以鄉薦授彭蠡知縣值寇攻城親出督戰身被數創遇異人療之不

死歷官知府

張 縉

巴縣人正德初歷官都御史巡撫兩浙恩威並著有保障功

劉鶴年

巴縣人正德中進士孫守廉岐始任兵曹門無私謁歷官雲南布政不持一錢時稱

廉吏

李 邦

巴縣人正德間以鄉薦歷員外為人獨介莊嚴凜然不可犯鄉人敬之

任

轍

已縣人嘉靖初進士知許州歲旱多方賑恤擢守黃州採木之役曲為調停民困以

蘇歷官貴州都御史計縛叛夷許吾等邊陸賴以奠安

李文進

已縣人嘉靖中進士歷給事中勅權貴不職晉都御史巡撫浙江大同等處執訊獲

醜所向有功
歷刑部尚書

劉啟宗

已縣人嘉靖中進士任衢州府推官擢給事中抗言不避權貴請蒞滿尉歷陞提學

副使改苑馬卿居官二十餘年持廉守正卓有風裁

劉應箕

已縣人嘉靖中進士初知餘姚歷擢陽和兵備與督府王崇古處置北敵得體起拜

命都御史旋晉副都御史卒所著有欵塞錄孳輯集續集行於世

王春巴縣人少負奇才學頗淹博尤精於易嘉靖中以歲薦任安化訓導兩臺檄修楚志

才名大著揚太史過巴時造其廬考論奇字所著有縉峰內外集藏於家

胡堯臣

銅梁人嘉靖中進士授大理評事歷浙江僉事會賊江天祥反擒殺之擢湖廣叅議

攝兵備擒巨盜趙朝勝事聞旌賞遷副使歷陞浙江布政時海寇王直招集倭寇聯舟島嶼與內地奸民交通沿海為患堯臣以計招致寘諸法拜副都御史巡撫河南尋卒

李純朴

定遠人嘉靖中任刑部主事改監察御史時俺答請鐵鍋部覆許之邊臣因議互市

純朴上疏極言其不可已又申救獲謫言官鄭履等又請以薛瑄從祀文廟按部廣西獨持風節毀李士實碑人稱為真御史以不附時宰謫知監利縣裁魚例三百金其廉介類如此所著有懷野文

行於世

劉春

巴縣人官至文淵閣大學士卒謚文簡沈靜寡欲居官守正澁政廉明文行為鄉閭

表率

李士亨

銅梁人號竹野由舉人仕至副使通籍二十年夫人兩承恩為命婦服止布素課諸

子名之曰養德養志後二子捷南宮人皆謂清白吏子孫自是昌大云

高懋

銅梁人嘉靖中進士擢監察御史論列有聲常按江北兩浙所至振肅風紀多異績

歲潦請蠲租全活甚眾尋遷湖廣副使兵備辰沅時苗寇為患懋每出密策多所斬獲又解五砦之

圍地方安堵晉參政遂謝政歸

李

恒

銅梁人嘉靖中貢入太學大司成深器之授奉新丞邑人多狡猾供應夫馬常後時

不給捐俸辦之二年免歸囊不滿十金雅志好修絕跡公門卒之日闔邑之士私謚曰恭懿先生

張佳印

銅梁人少穎敏日誦千餘言尤工古文詞嘉靖中進士初知滑縣有詐錦衣官校至

者出匕首挾取幣金印從容計擒之歲大飢平糶設粥活人甚衆詔賜金幣遷戶部主事尋督學雲南整飭滇士稱西南齊魯馬累陞巡撫應天宣府俱著勲績浙以兵燹聞上特命往視浙民復變印設方計不踰時兩定之上優詔賜緋進爵兵部尚書總督蒞遠三鎮時邊境不寧土蠻入寇印指授方畧先後以捷聞詔賜甚厚進太子太保廕錦衣千戶世襲所著有峒峽集督撫奏議行於世

熊動之

榮昌人幼稱奇童過目成誦十二齡補諸生長通五經尤精二戴中嘉靖丙午鄉試

四入春闈竟以數奇不遇年四十而卒生平守嚴一介里人至今欽仰長子文炳痛父齋志以歿下惟攻苦教子應占成進士歷贈動之陝西左布政使

喻茂堅

榮昌人釋褐知銅陵縣流賊猖獗縣無城郭茂堅內外設備奪賊艦百餘艘以卓異

拜御史決疑獄緝巨奸墨吏解去歷任陝西布政時有花馬池之警分兵退敵賜白金文綺撫鄖陽奉命勘楚世子獄逆事疏上如議特旌其直總督漕運適妖賊紅羅女反設計平之轉刑部尚書疏救夏言觸怒歸囊無百金享年九十有三卒賜葬祭祀鄉賢

喻應豸

茂堅孫由恩貢任安寧同知陞尋甸通判兼攝邑事萬口稱為喻母卒於官行李蕭

條不愧其祖之清白云祀鄉賢

喻應台

榮昌人由舉人令漢陽有恥效鷹鷂居然
鷹鳳之譽應台謙讓性成雖童孺亦必以

禮貌待之故居官愛民好士歷任
黎平知府華夷悅服卒祀鄉賢

冷

珂

榮昌人登嘉靖丙戌進士座師稱其文奇
字奇想其人亦奇珂幽居亦端坐罕入寢

室楊升菴服其淵博當道慕而造門
亦罕見其面除中書享年七十終

曹

忬

巴縣人號自山由庶吉士改戶科給事中
疏劾張桂忬旨逮錦衣獄尋降謫歸居鄉

嘉言懿行不勝殫述二子一孫皆進士
至今稱先輩典型必曰曹自山先生云

王

琬

巴縣人嘉靖中領鄉薦歷任廣東
副使屢著賢聲至今所在思之

劉

縉

巴縣人累代通顯以世德著聞縉雅負文
學尤有至行閭里稱述之舉省元歷仕未

顯識者卜其流
澤之未艾云

田登年

忠州人嘉靖中進士知青陽縣邑無城倭
舊為患登年初建不避怨勞民賴以安歷

任大理司正恤刑廣東多所平反出寬
獄五十餘人廣人德之所著有洗冤錄

羅青霄

忠州人少游金陵旋從游湛甘泉授以理
學深達奧義嘉靖中進士授歸德府推官

歷兵部郎中應詔陳定六事大要為忠州興利除
害上多議從之忠南峯石砭土司與楚中路等司
接壤世為忠患青霄請復川湖總督以控制之時
皆以為碩畫出知漳州府漳人頌之為著清漳政
績錄然竟以介直忤時歸
家環堵蕭然年八十終

郭嘉文

大足人嘉靖中鄉薦授盩厔教諭正身飭
教遷知白河縣以德化民未幾告休民泣

不忍別家居值恭賦之亂焚劫居民望其廬舍咸相戒曰慎勿壞郭公室也其感人如此著有警心百勿萬行於世

吳鵬翼

大足人嘉靖中舉人知湘鄉縣裁歲例千餘金催科一諭以理邑有巨盜彭廷憲者

劇掠洞庭垂二十年前令不敢問鵬翼計縛之遠邇稱快

雷孔聞

大足人少岐嶷趙文肅貞吉見其文歎賞之嘉靖中進士時嚴嵩當國同第者往謁

聞人難之孔聞毅然作色遂返屢聞之訝為耿介士授辰州府推官會主表奪嫡據印屢檄諭之不

服孔聞至以禮法化誨夷悉畏服遠戶部主事尋乞歸邑人至今傳頌焉

鄔桂枝

大足人嘉靖中舉人知翼城縣邑素稱難治桂枝抑強梗裁冗費恤刑獄賑貧乏境

內大化舊王府歲例銀百餘兩悉取之民桂枝申
革之擢知朔州翼民進道送之先是麗江土夷鄰
甸境上田膏腴前守聽民自賣桂枝一切禁止土
夷欲收其糧潛以金餽叱之曰賣田已誤若糧去
土人不為我用是重困吾
民也竟不許祀名宦祠

簡

藉

巴縣人嘉靖中領鄉薦官秦州學正廉介
不苟品為世範年近百歲誦程子四箴而
卒巡撫稱其性資從善家世業儒經累朝全
或之太平近百歲康寧之上壽為旌其廬

李臨陽

江津人性端亮常以寇萊公自許嘉靖中
進士歷官岳州府知府廉平惠愛歲飢多

方賑濟全活以數萬計擢陝西按察司後致仕
歸闈邵士民遮道送之有士大夫為著惠愛錄

周世遠

江津人嘉靖中進士歷官山西右
布政所在廉明仁惠以清望著

徐效賢

江津人嘉靖中舉人知澄城縣清廉守正體國恤民澄城人繪像尸祝之祀名宦

文方

合州人號少江司李楚中素忤嚴嵩父子及嚴氏敗人多以附嚴被累獨方免以疾

歸舉朝高其氣節家居奉母母卒廬墓不入城市時白蓮賊亂過其門相戒勿擾服闋後徵辟屢下至中途以病上疏辭歸未久而逝

李

諫

合州人號誠軒弱冠登賢書即老成持重初仕高邑縣單騎赴任九年不攜宅眷街

齋清冷如冰上官咸罷重之以為治平第一居官二十年歸里囊無擔儲當事高其誼類為式廬暇日輿田野農民杯酒笑傲彈琴種花有彭澤遺意

胡世賞

合州人進士由縣令屢陞至刑部尚書皆有政績居鄉醇厚郡人悉推重之

魯所能

涪州人嘉靖中舉人知雲南石屏州丰儀
個儻語言慷慨居鄉著孝友聲及居官以

愛民為本盡心水
利州人至今思之

李士震

長壽人舉人歷知麻陽翁源兩縣清嚴慈
愛公庭無訟民有疾病手劓療之乞歸教

子孫以修德讀書
生五子登科者四

劉世曾

巴縣人嘉靖中進士立朝介直與馮瑄不
合遂引疾歸清苦一如寒素後馮瑄敗起

拜僉都御史巡撫雲南會賊岳鳳與緬交通內犯
乃上疏請剿卒克大愆上嘉之晉副都御史廢一

子錦衣
百戶

夏子雲

涪州人嘉靖中鄉薦從趙文肅貞吉談理
學因歎曰丈夫不恥不聞道乃豔一第耶

自是躡屨為五嶽游久之謁選知舒城縣時有貴人
以事往道舒勢強甚子雲故不為理責人踉蹌
以去竟坐不稱調判寧州遷判岳州府治九谿馭
諸武弁嚴毅不少假借威令大行當道屢薦詔進
五品服俸陞衡州府同知尋引歸
所著有少素文集諸書行於世

文羽麟

涪州人嘉靖中鄉舉任陝州知州歷官廩
平居家孝友絕跡公庭尤以文詞著子孫

科第蟬
聯不絕

文作

涪州人隆慶中進士初知聞喜縣以治最
徵歷武選郎贊議惟惺平遠之役其功居

多及連雲南參政分守臨元時羅雄土舍殺父據
險潛謀不軌作奉檄剿之賊黨再叛復剿平之先
後以功上聞陞廣
東布政並增秩

劉世賞

巴縣人少為文穎異姜鳳阿茅鹿門咸器重之隆慶中進士歷官布政居官二十餘

年清慎如一處家
溫儉後人罕及

曹大埜

巴縣人隆慶中進士初知祁門縣廉平不苛舉卓異拜戶科給事中論新鄭相當國

有十大不忠謫乾州判官尋歷遷僉都御史巡撫江西懲酷吏薦賢能訪隱逸甄錄遺士多所成就無幾為言者所中遂掛冠
歸行李蕭然有棠韻焉

汪言臣

巴縣人萬曆中進士選翰林院庶吉士改監察御史巡按順天時馮璫用事以子民

來謁言臣絕不與通上疏白御史劉臺之寃朝議稱快發倉粟賑平山邑饑民全活甚衆已巡廣東治珠池盜萬人擒渠魁餘釋弗治民用欣服及再入京亦多所論列一時偉之

高倬

忠州人天啟乙丑進士官御史性謹厚然遇事敢言多所建白以草場災罷歸朝臣

交章薦其可大用尋復職歷官操江巡撫卒

曹邦化

江津人以明經授吉安州通判嚴正不阿郡人劉給事忤時相時相銜之欲誣以事

邦化力為之辯獲免遷寧州知州子進可登科報至遂辭不就任致仕歸里操行淳厚卒祀鄉賢

曹進可

邦化子由舉人歷官貴州新鎮道副使撫苗有聲從點撫王三善監軍進剿大方屢

言苗性巨測不宜懸軍深入三善不聽以及於敗進可馬上中石幾死與所部數百人突圍而出未幾致政歸優游林下二十餘年慕義好施鄉人德之壽八十四而終戶部侍郎倪斯蕙銘其墓有擘楫祖遜免胄汾陽制勝諸葛籌邊贊皇之語云

王應熊

巴縣人進士歷仕館閣直經筵有啟沃功
官至大學士立身清介文章為時推重懷

宗末年起首輔因
時黨不協乞歸

陳新甲

長壽人少登賢書性極孝友有警敏才歷
官薊遼總督整飭軍伍請選將用材懷宗

召對細陳邊計形勢緩急累千萬言帝重之書其
名於御屏特陞兵部尚書為忌者所構竟寘重典
帝心旋深
悔悼焉

龔三級

江津人崇禎間歲薦為生平操履清正學務
躬行任綏陽教諭日與諸生講論多所成

就陞安順府推官辭不赴任既歸惟以書史自
娛尤嚴於義方之訓二子弱冠授科承其家學

曹

恢

江津人崇禎壬午舉人任行人司博極厚
書究心濂洛之學後罷官里居以積學力

行教子弟年八十有三猶披覽不輟
與同里龔懋熙俱稱典型學者宗之

保寧府

漢范

目閬中人素有方畧知高祖必定天下說帝
為募發貧民安與共定三秦後封目為長

安建章
鄉侯

譙 隆

閬中人為上林令武帝欲廣
苑園隆固諫後遷成臯令

洛下閼

閬中人隱居洛亭武帝時
徵待詔太史改造太初歷

嚴 遵

閬中人為長安縣令治政嚴明擢揚州刺
史後當遭吏民遮道止之凡三遭車轍不

行符

任文公

閩中人善天文王莽篡漢乃攜妻子奔於深山後武擔石折文公歎曰西川智士死

我其當之乎益部語
曰任文公智無雙

趙

玗

閩中人為公車令王莽居攝棄官而歸

趙

闓

閩中人嘗遊長安刺史王尊奇之
後任為涼州刺史卓有能聲

楊

仁

閩中人學韓詩舉孝廉補北宮衛士令條對時政稱旨明帝崩馬后諸子爭入宮仁

披甲執戟屢勤門衛莫敢違者章帝立拜什邡令為政寬惠後辟司徒掾

蜀漢周羣

閩中人文舒明天文羣少受家學觀氣候言災祥多中舉茂才昭烈署為儒林校尉

後欲與曹操爭漢中問羣羣曰當得其地後果如羣言

馬

參

閩中人仕為廣漢太守有治行累官至尚書僕射

馬

忠

字德言閩中人為祥柯太守柔遠能過甚垂惠愛官至鎮南大將軍卒後南中為立

祀祠

唐鮮于仲通

南部人與弟叔明皆博學天寶中進士為京兆尹歷御史中丞劬南節度使以

忤楊國忠貶官
顏真卿誌其墓

鮮于叔明

仲通弟擢明經歷洛陽令商州刺史繼仲通為京兆尹民有前尹赫赫後尹熙

熙之號累遷尚書左僕射德宗時封蜀國公以太子太傅致仕卒謚曰襄子昇累官太子詹事

李逢

劬州人文行俱高尤達於易

宋陳省華

閩中人有吏幹初事孟昶為西水尉蜀平歸宋累官光祿卿拜諫議大夫卒贈太子

師少

陳堯叟

省華長子端拱間進士第一累官同平章事以右僕射知河陽卒謚文忠堯叟安貌

甚偉奏對明辯入典機密軍馬之籍悉能周記

陳堯佐

省華次子進士及第官至叅知政事同平章事以太子太師致仕卒謚文惠為人寬

厚儉約好學不輟自號知餘子所著文集三十餘卷

陳堯咨

省華季子咸平中進士第一累官翰林學士後以武信軍節度使知天雄軍卒謚康

肅為人以氣節自任工隸書善射世號小由基子述古篤學能文累官至館閣校勘

裴

莊

字端已閬中人孟蜀時以明經登第歸宋
疏論邊將無功願申明紀律無使玩弛報

可淳化三年召訪邊事稱旨又條列四事一曰去
暴征二曰省嚴刑三曰擇吏職四曰敦稼政疏入
詔令開陳其所宜行莊對甚悉帝嘉納之累官至
西京留守御史臺入判刑部以疾分司西京郊祀
改光祿卿求歸上
都卒年八十一

陳

漸

堯叟從子少以文學知名太宗時嘗與父
堯封同廷試漸中第辭不受願擢其父許

之後累官耀州節度推官有
文集十五卷自號金龜子

何

永

閬中人以宋德隆或記載踈畧乃哀次三
十卷號閬苑記其後同縣曹無忌又增二

十六卷俱
閬中人

蒲宗孟

南都人魯祖穎士聚書百餘篋以訓子弟宗孟皇祐中進士官尚書左丞後以資政

殿大學士
知河中卒

蒲 卣

南都人幼開敏登元豐進士歷提舉京湖常平提點潼川刑獄論稅權不便罷之累

官中
大夫

鮮于侁

南都人仲通裔孫字子駿端重力學舉進士值行新法侁為利州路判官不請青苗

錢蘇軾謂其上不害法中不傷民下不廢親為三難元祐中為諫議大夫建議以富弼配享神宗出

為京東轉運使温公嘆曰此一路福星也後以集賢修撰知陳州卒子緯太學博士

馬

涓

南都人父從政未有子買一妾詢知其父卒於官不克還故驚之遂遣還不責所值

後夢一翁謝曰女見還君陰德也聞之上帝矣令君家富貴涓涓不絕後生子以涓名魁太學鄉薦

中元祐狀元上

疏忤蔡京罷歸

雍孝聞

南部人元符末力詆紹聖用事者未幾廷試時相誣以謗毀先烈亟加流竄入元祐

黨籍

李

森

巴州人政和中進士高宗時為侍中抗疏劾王黼出知復州

黃裳

劍州人幼能屬文乾道中進士為嘉王翊善光宗召諭曰王進學皆卿之功裳曰若

欲進德修業追蹤古先哲王須尋天下第一人上問為誰以朱熹對官至尚書兼侍讀贈大學士謚

忠文裳端純孝友每講請隨事納忠所著有春秋講義兼山集子瑾為大宗正

張行成

字文饒號觀物劍門鄉人與兄少成字寬俱登紹興間進士學士黃裳亟稱觀物

先生魏了翁亦云吾鄉觀物先生得易數之詳有通變經世述翼鉉通靈等書傳於世

陳槩

劍州人乾道中進士直諫剛毅以師禮事張南軒問答往來講晰精微且為作潔白

堂記皆聖賢服行之訓槩兄栗隱居不任兄弟皆與黃裳友善名重一時

鮮于天

劍州人登嘉定中鄉薦日誦數千言通天文歷數地理方技其學甚博風度粹

然制行和雅一時名儒皆推重之

蒲叔獻

南部人管成都漕民歌之曰運使姓蒲民力可蘇召為宗正卿以韓侂胄用事遂請

去時論壯之

馮友能

南部人官至中書門下平章事一月問上封事數十廷諫不避朝野憚之

楊巨源

昭化人個儻有大志善騎射監合江倉吳曦反巨源從征擒曦誅之功為第一補承

事郎後因安丙爭功殺之事白贈寶謨閣直學士謚忠愍子復正為四川制置使

嚴大猷

蒼溪人吳曦僭蜀大猷詩云易未到時難擊此兵如入手易擒吳後特授隆慶府司

理參軍著補闕蜀都賦方山集四卷

向佺

通江人理宗時有邊警佺多方捍禦卒贈團練使

明蔣良輔

閬中人洪武間歷官給事中以忤權貴出知羅山後任吉安府知府卓有政聲

趙欽

洪武間舉人任宿遷教諭考滿之京太祖欲授以重秩對曰臣有過曾取諸生未三

升以待急客上笑曰孔子所謂東倚非止此也因
歎曰取米待急客權也為臣不欺君忠也命吏部
秩欽善地就祿待養遷
新都教諭造士有聲

韓

義

南都人貢生博學善詩時行人巡茶至縣
遂權稅為民害義上疏言本縣無茶行人

強權殃民帝嘉其
能言除南甸令

李廷昌

南都人洪武中由孝廉任提舉再任開州
居官端重以廉儉率民時部有湖池島嶼
營迴往來遊宴供費甚繁廷昌一旦
毀之遊人遂絕累官至大名知府

文時中

南都人舉孝廉任宛州府學教授改四氏
學教諭衍聖公孔彥縉受學焉嘗充順天

鄉試禮部會試同考官公
明能得士時號尋樂先生

馮允敬南部人任山東登萊轉運使嘗疏民情十五事上俞其七召還將大用之允敬以親

老抗章歸為時推許

申克敬昭化人太學生才能卓練宦績著聞歷官河南右布政使

何淵巴州人州學舊鮮科目淵首以儒士登孫賢榜筮仕龍泉令政教大行肇修隄防為

一方保障以憂歸補贛榆縣值歲荒多方賑濟全活甚衆

陳鳳巴州人任刑部主事累乞致仕家居怡然自得築室種竹所著有蛭鳴集行世

王天爵劍州人洪武中由賢良方正薦至京帝試以欽若昊天賦稱旨授太原知府卓有聲

績始終一節時輩推重

母祥

劔州人洪武中國學生除禮科給事中轉禮部郎中奉命巡視湖廣沙汰官吏復遣

鎮守北平陞太僕寺少卿從靖
難師著功擢本寺卿以勤謹聞

徐璋

劔州人監生授鎮遠府同知盡
心供職累官河南按察司僉事

馬信

閩中人未樂中進士任檢討陞大理寺副
年未四十致仕揚文貞公送之以詩曰誰

似翰林馬檢討黑頭苦思
德家山人比之錢若水云

劉元凱

閩中人由進士授太平令正風俗興學校
有馴虎甘露之祥歷戶部郎中辭疾家居

講學不輟著夢
覺稿詩文語錄

任儀

閩中人進士選庶吉士授御史適權貴以
內命建佛會于興隆寺一御史乘馬過寺

門為宦者所辱儀上疏劾之坐是外補歷遼山西右叅政忤逆瑾再謫西安府同知所著有錦屏集

卷十

王文秀

閬中人知郫縣改良鄉皆著政績當道稱之曰古貌古心不苟同於流俗省耕省斂

大有造於疲民後遷鞏昌府通判致政家居足跡不履公庭所著有四書周易講義藏於家

袁

璿

廣元人以貢任雲南縣令惠政恤民追思之

任

彬

蒼溪漢人景泰間舉人授雲南石屏知州州俗夷漢雜處乃立社學興州學選生徒之

質美者授以經義親督課業次年舉鄉試者二人時有長官司吏目高秉權為頭目刁諒毒死委彬檢勘刁諒送黃白金數百兩拒絕不受明正諒罪人服其廉

向

紳

通江人成化乙未進士擢御史巡按山東東公考察屬吏感之又詔旨凡鬪毆人者

得論減紳言如弟毆兄死姪毆叔母死事聞倫理法在無赦餘者亦當追白金一鎰給死者之家遂

頌為例家居卒謝違
楊廷和為撰墓誌

任守中

通江人舉孝廉任蕭縣教諭制行不苟好義樂道後四子俱由國學登仕邑人重之

向

閻

紳之孫舉人筮仕鳳縣極事撫綏以忤上官改補石首教諭遷平涼通判督三邊軍

餉上籌邊十二策遷瀋陽府長史卒於官初通江茶課累民間赴公車建議條上制報可至今鄉中頌德

李

容

巴州人舉孝廉罷度嚴正教授鄉間卓有師範弘治初應試禮闈時門生檢討王九

思充同考官容堅執不就士
論偉之後知狄道以廉直稱

任惟賢

閬中人進士性耿介學務躬行敦倫睦族
歷任三十餘年清白自守家無餘積人多

景仰

李實

巴州人弘治癸丑進士授翰林檢討陞岐
府長史動守禮法持正不阿有中官欲侵

旁郡葦稅實執不可遂誣實下獄尋
得白改趙府長史後致仕進階三品

王尊賢

閬中人性剛介博學能文嘉靖中貢至太
學時帝好方士多災異人莫敢言尊賢撰

聖學要義中和衍義上之及諫立東宮忤權臣下
獄已而帝閱其書奇之謂輔臣曰布衣敢言當世
事者忠臣也釋其獄授程番推官有異政
致仕歸貧如韋布著史學辨疑紫霄文集

楊勝賢

閩中人由監生歷官雲南安寧知州調陝西華州以賢能著世西安知府加叅政俸

陳宗虞

字于詔閩中人進士由郎署出憲閩中時有倭警宗虞著廓清功屢任江浙亦以兵

事見奇海疆賴之嘗與銅梁張佳印等結社玉臺續七子之業南充任瀚序其詩又精墨妙喜獎掖

後進執經問字者履錯戶外後祀鄉賢

趙炳然

劔州人嘉靖乙未進士歷官兵部尚書僚慨沈毅凡所建白必據事直陳以文學侍

從之臣歷漠北海南戎馬艱危者垂二十年加太子太保卒謚恭襄著歷官奏議集若干卷

何澄

劔州人舉孝廉知永福縣築陂濬渠與民興利除害及解去邑民爭餽金帛一無所

受時稱循良

順慶府

漢龐雄

梁縣人永平二年南軍于檀興烏桓兵殺
連東守耿夔雄受命討之大破軍于遷大

鴻臚封
都亭侯

馮煥

梁縣人安帝時幽州刺史東正族邪為奸
黨中傷詐作璽書收煥其子緄勸煥上訟

果得詐者抵罪會卒帝憫
之賜錢十萬官緄郎中

馮

緄

字鴻卿煥之子少學春秋司馬兵法安帝
時舉孝廉累官車騎將軍討長沙武陵蠻

有功賜錢十萬不受官至廷尉以剛正忤宦官時
稱其公直及卒郡人廟祀之子鶩舉孝廉為郎中

馮允

紀之弟清白有孝行通尚
書善推步累官至校尉

元

賀

建縣人第五倫為九江郡太守改沛郡
所至多有德政遷大司農卿去日吏民涕

泣送

陳

禪

廣安州人字紀山仕郡功曹舉善黜惡邦
內畏服舉茂才為漢中太守時土蠻叛聞

禪名即降服遣馮翊順
帝時官至司諫校尉

蜀漢譙周

廣安州人耽古篤學研精六經仕漢至光
祿大夫嘗著仇國論以諷姜維孫季躬耕

桓溫時
之不應

譙

熙

周之仲子舉孝廉為本郡
大中正尋除沔陽縣令

譙

同

熙之弟少知名不受州府之聘刺史壽良
與東羌校尉何攀貢之三司及大將軍幕

府再為尚書
郎除無錫令

王平

字子京，渠縣人。諸葛亮征隴西，以平參軍，事屬馬謖。謖違亮旨，敗於街亭，惟平領衆。

鳴鼓自振，張郃疑有伏，不敢進。
累官至漢中太守，封安漢侯。

勾

扶

渠縣人，忠勇寬厚。昭烈時，數有戰功，爵位亞於王平。官至左將軍，封宕渠侯。

晉陳

壽

字承祚，廣安州人。少好學，師事同郡譙周。仕蜀為觀閣令。史蜀平司空張華薦壽撰蜀

相諸葛亮集奏之，除著作郎，領本郡中正。撰三國志凡六十五篇。時人稱其善序事實，有良史之才。

閻

纘

廣安州人。博覽墳典，慷慨有大節。懷愍太子廢，纘與棺詣闕，上書理太子寃。子五人。

皆聞望，有才長子，字為遠，西太守。

龔

壯

渠縣人潔已守道平生重忠孝大節父叔

殺特反壽立徵壯不就又上封
事勸壽稱藩於晉壽不聽解歸

梁侯

瑱

廣安州人屢平蜀賊後敗侯景歷官司空
太尉都督五州鎮溫城以功封零陵郡公

諡莊
肅

趙

震

西充人任威遠令聽
民訟以明倫為重

宋何

煥

西充人初通判真定契丹入寇上疏請申
明紀律師退召訪邊事稱旨拜監察御史

風節凜然時人稱
之號其里曰柏臺

李協恭

儀隴人雍熙間狀元授梓州刺史何宗元
九龍歌孔孟周公道有歸昨夜夢中猶徘徊

徊先生芳躅猶堪追題
曰為狀元李協恭作

何

涉

廣安州人讀書晝夜刻苦過目不忘六經
百家山經地志醫卜之術無所不通後舉

進士知合州建司戶員外郎著
有春秋本旨盧江集七十卷

雍

鈞

廣安州人治平中進士授為御史臺主簿
時章惇用事朝士盈門鈞獨不往惇怒黜

州鈞遂

何麗天

廣安州人宦遊中都賦懷親十三篇如毛
詩體隨表上進求外補上嘉其志因詔嶺

南遠官皆
許迎養

彭

任

岳池人慶曆中富弼使遼任與偕行道次
語弼曰朝廷書詞萬一與口傳異將何以

對啟視果不同弼即日還朝更書而去
去任之力也任又與蘇老泉友善

黎

錞

廣安州人慶歷進士朝議大夫英宗以蜀
士為問歐陽修對曰文行蘇洵經術黎錞

嘗知眉州蘇軾作遠景樓記稱其簡而
文剛而仁明正而不阿久而民益信之

王叔簡

涇縣人徙居廣安博學能文尤長於詩登
進士判潼川痛洗鹽筴之弊太常博士葉

進常以志行端一才能強敏薦
之時稱其有難進易退之節

張天珏

岳池人嘗讀書角竹洞元豐間舉進士累
遷諫議大夫蒞官盡職志節甚偉立朝敢

諫知無
不言

彭

戢

鄆水人元祐中進士為兩浙提舉奉祠以
歸嘗畜雙鶴士夫送行詩有扁舟載雙鶴

萬卷貯犀
書之句

馮子修

西充人元祐中進士為長
安令不附童貫節義凜然

鄭修

遂州人年七歲日誦萬言登元祐進士知
梁山州軍祿有餘悉為民代輸未及引年

幡然而歸結茅以居扁曰飯牛
庵年八十七卒今墓在蓬池

雍沿

營山人舉進士善
吟咏有詩集行世

張廷堅

廣安州人字才之元祐中進士嘗上言司
馬光呂公著之賢又薦蘇軾蘇轍忤執政

出為京東轉運判官蔡京欲引為已用廷堅不從
京憾之列諸黨籍編管象州卒贈徽猷閣學士謚

節
愍

游桂

廣安州人隆興中進士志慕聖賢學窮性理所著有禮記經學三十一卷行世

安堯臣

廣安州人宣和初上書論權要補承務郎累官南平太守

王傳

通六經詞賦秦蜀之士受業其門者多顯達

游仲鴻

廣安州人淳熙中進士知中江制置使金鐘等薦之召入宰相趙汝愚甚重之時先

宗以久不視重華宮鴻移汝愚書陳宗社計及孝宗升遐遂贊定大策後知嘉定有政績卒謚曰忠

安丙

廣安州人淳熙進士以資正殿大學士為四川安撫制置使平吳曦之亂進少傳卒

贈少師謚忠定
著有晶然集

游

似仲鴻子嘉定中進士累官吏部尚書入侍
經建帝問太宗貞觀治效何速如是似推

原以對淳祐中為右丞相兼樞密使封南充公卒贈少師謚清獻

蒲擇之

渠縣人紹定間進士歷禮部尚書淳祐中元人犯蜀以擇之為制置使有却敵功

元文如玉

郡人少嗜學舉進士官東路太守政平訟簡士民懷之

陳繼賢

廣安州人登廷祐進士判懷遠有廬明公正之稱捐俸鑄祭器置文廟中又置書萬

卷餘

袁岱

渠縣人能文舉進士為遂州路大軍判官有廣聲

明母思義

遂州人洪武初舉人工詩文累官知府名著一時

慶智

遂州人洪武中由太學生任戶科給事中卒祀鄉賢

楊貴亨

營山人洪武間舉賢良方正任部郎後知江西廣信府

于

紹

營山人舉賢良方正任知縣始流移墾荒田政績甚著

唐

臣

營山人由進士歷知府有惠政轉鹽運使未任而卒囊無一錢當道賢之著有拙庵

集

于

禎

營山人洪武中由太學生歷御史言時事有直聲後知河南府

羅茂英

儒龍人洪武中監生歷官清謹聲譽著聞終副使家無餘積

范

循

南充人永樂初進士擢御史陞貴州僉事克持憲紀有古人風以劾嬖倖獲罪直聲

閣於
中外

王

鐸

達州人未樂中舉孝廉官萬縣訓導畧陽
教諭嘗陳保釐十二策有補者顏子集并

詩稿行
於世

石

泉

岳池人未樂間舉人歷南陽知府時歲大
旱泉披髮跣足拜禱三日大雨如注四野

優
渥

王

賓

廣安州人未樂戊戌進士以御史建言廷
杖罷歸卒祀鄉賢孫梁嘉靖癸卯舉人曾

孫德光德完萬歷己卯同榜德完中癸
未進士由庶常改給事中建言廷杖

張

永

南充人景泰中進士選翰林庶吉士授禮
部主事擢知嚴州府為政嚴明歲飢不待

報請減稅額御史上
其狀賜璽書褒美

馮

孜

南充人景泰中進士授戶部主事擢知延安府改邵武寬賦後雪冤獄建陽賊肅聚

孜直抵巢穴擒斬賊首民賴以安陞湖廣叅政以親喪去任歸里廬墓哀毀遂養疾不出士論高之

王

佩

南充人進士性剛毅不隨時俯仰歷湖廣副使卓有風裁及歸飭躬勵行鄉里推重

汪

洋

岳池人天順中舉人以訓導分統楚閩累官至雲南同知清戎弭盜均役濬渠陞知

府

吳伯通

廣安州人天順中進士歷官按察使學務躬行以道自任督學河南浙江振起士類

惓惓以治心養性為訓居家建甘棠書院教授百餘人手錄白鹿洞規示之著遠意稿近思錄學者

稱石谷
先生

向時 岳池人成化中進士歷南京禮部郎中知德安府均里役息爭訟民心感悅致仕歸

訓子孫以廉介家範凜然年八十手猶不釋卷

向信 時之子由進士歷御史上封事數十條巡視通倉議修運河皆有碩畫

楊純 鄰水人成化中進士任監察御史巡按貴州斷決如流任滿百姓乞留一年上許之

民謠曰鄰水楊但願年年巡貴陽貪污畏法軍民安康歷陞陝西副使去之日黎獠遮道涕泣攀留

馬金 西充人由進士累官至浙江布政使所至有惠政民為祠祀弟命由進士歷官叅政

併有聲譽於時

馬廷用 號紫崖西充人成化中進士歷官侍讀學士以經學推重天下所著文集數十卷學

者宗

李陽春

梁縣人弘治中進士任行人奉使各藩魏
遺一無所受居諫議彈劾不避權要以太

常少卿致仕歸恂恂
如書生鄉人仰之

譚

倫

鄆水人弘治中進士任潮州府知府築海
口隄數千丈民居獲安砌廣信橋往來便

之

王

昂

廣安州人弘治中進士官給事中歷陝西
副使彈劾不避權貴致仕歸敦行古道表

正鄉
閭

楊一鈞

鄆水人弘治間進士官漢中知府禦侮救
荒民賴以安陞浙江副使漢人為祀名宦

柳 稷 南充人弘治中進士著有封建論疾作曰
吾嘗夢作志伊學顏論其能久乎果卒於

京

毋 恩 蓬州人弘治中進士知臨海縣治行卓然
有聲陞湖廣道御史著有詩集及家禮考

韓士英 南充人正德中進士授主事權稅江西時
宸濠不軌英持正不與通及守岳陽弭盜

賑饑屢有異政歷陞都御史巡撫鳳陽晉大
司徒改司馬滌蠹減租選將練卒赫然有聲

江萬實 大竹人正德初進士任監察御史巡按江
西抗疏言事動關國體時討寧庶人及平

華林巨寇皆與
有功稱名御史

毋德純 南充人由進士歷大理寺正以議禮獲譴
尋復職陞尚寶卿吏部尚書揚博疏言德

純爭論國事力劾權奸衛因既深
緩急可用數語可見其生平云

張

芊

郡人正德中進士為郎中權稅浙江以廉
名擢漢中知府持法公平不逐時好所至

有遺愛人

爭傳誦

韓

孜

南充人登鄉薦後築室青茅山沈酣典籍
寒暑不輟任司務奉命賑秦民頒養有法

思無不徧
後遷員外

石天柱

岳池人正德戊辰進士歷都給事中
敢言武宗欲幸宣府天柱刺血書疏以進

遂止兵部尚書彭澤被誣當刑天柱陳澤征伐功
忤旨外調嘉靖初詔復前職尋陞大理寺丞卒於

官所著有秀
峯集及奏稿

馮 馴 岳池人正德中進士授戶部主事會乾清宮災疏弭變七事言甚懇切出守興化除

害民吏役素號二虎三彪者政治肅然民謠曰馮大守來何遲書吏瘠百姓肥銓部考最榜天下第

一官至江西布政使司

余正已 岳池人授清豐教諭博聞強記明數學造木牛流馬屢試輒驗定厯法三上疏糾占

候之失阻於權右齋志以歿識者哀之

楊 端 岳池人正德中進士以行人封楚藩却其餽擢御史巡北城清戎除盜釐奸剔蠹議

大禮謫隨州判官卒於家隆慶初贈少卿

張大用 岳池人嘉靖中進士性英邁以部屬權稅益湖報羨以千計遷陝西臬憲奉勅修長城

建鎮朔樓工成陞副使管鹽法有
太監敗鹽政劾之一道肅然

張

郁

遂州人由太學生歷武昌鶴慶推官太僕
寺正所至有聲子相由進士知醴泉慈谿

以廣
能名

王竒嗣

遂州人嘉靖甲子舉人任貴州思南推官
陞知州遂乞歸不持一物卒之日語其子

曰我生七十三平生不愧天在家不說事做官不
要錢子孫皆如此福澤永綿綿諸子鬻產以葬亦

可稱清
白吏矣

張鑑

南苑人嘉靖中進士初授會稽令均田畝
豪右侵占民田悉清還之流移復業者五

千家行取南御史出守建寧備兵臨清尋陞山西
按察使後巡撫山東行丈量墾田保甲弭盜法天

下則之引疾歸用薦起總督糧儲八年宿囊盡革卒時囊無一金人比之趙清獻云所著有皇極經世行義賦役法屯採奏案東安圖議石州秦疏江泉別集中丞遺稿行於世

任

瀚

南充人嘉靖己丑進士對策稱旨由庶吉士歷侍經筵寵眷甚渥為當國者所忌乞

休年甫四十絕跡公庭工於文尤善自祀海內慕其文者接踵於路家居五十餘年以疾卒所著述多甚

馮

薦

南充人登進士由穀城令擢御史時世宗好方技疏五上皆嘉納歷按山東湖廣兩

主試事公明有聲以敢言忤權貴遠知府遂引疾歸捐俸置業以貽宗族嫻戚之貧乏者士林重之王
導
南充人嘉靖乙未進士任東陽縣令以寬平為理邑有曠徒橫肆導馳尺一諭之皆



帖服後為刑部郎有大獄株連數百人公疏枉滯
全活甚衆累官布政使閩省備倭尤為邊防所
馬賴

王

廷

南充人號南岷嘉靖中進士由戶部主事
改御史彈劾權忤謫州倅直聲籍籍陞蘇

州知府勤明廉介吳人祠祀之累官河道總督轉
輸籌畫咸當機宜又奏平倭功乞歸年登八十嘗
被存問卒贈少保謚恭節所著有
奏議詩文掛岳集兩漢書抄等書

嚴

敬

營山人質直好義行喪
禮斥浮屠人皆效法

楊

沂

西充人嘉靖戊午解元登
進士文章行誼至今傳誦

袁

諫

西充人由進士歷官陝西神木兵備道卓
有政聲後里居賑荒造橋周寒士恤孤寡

迄今口
碑存焉

楊 璽

西充人家貧寡合力學自持後為
湘陰令以直道去任民有去思碑

李 竹

李益之叔生而神異一目數行俱下精天
文數學不為舉子業家人迫之入場草畢

不勝真監臨重其名命房官勝之既中式有草幅
偏能中李竹蓀文何自落孫山之句性嗜酒不宦
不娶著有發明
天文正課等書

李 益

南充人由舉人令寧鄉值清丈之役實心
平賦豪右不悅尋改定邊捐俸創學士風

丕變又嘗築石洞哨以禦寇決黑龍江
灌漑瘠土全活者萬家所至皆祠祀之

李若梓

益之孫性孝友任襄城令郡有麵油航稅
為諸商病悉罷之三年調洪洞襄民赴闕

上疏懇留奉旨以民情思戀著照舊供職旨下已到洪洞數月矣山西撫按亦據民詞留之其畧云襄城洪洞均為赤子奪此還彼若洪洞何後陞陝西兵備道時流寇猖獗斬渠魁神一元擒普天飛以勞瘁致病遽授河南布政使司卒崇祀鄉賢

文

衡

南充人由進士任雲南僉事歷官以冰蘖著文章行誼卓有古風

王續之

南充人廷選嘉靖壬戌進士歷兩浙憲副雲南大叅江西布政司忠誠天賦敦歷有

聲

王度

南充人精易學後學宗焉任御史臺院中皆以老成推重之

劉尚綸

大竹人由歲貢任順天推官時有疑獄久不能決尚綸一加推問即得其情人稱為

神

徐萬璧

大竹人嘉靖癸未進士歷官陝西兵憲上
等邊議邊境賴以保障有罪囚不應死與

御史爭之不得投劾歸養邑往有編濟萬縣守備
東鄉諸役民不堪命萬璧力言於當路罷之里民
至今頌焉所著有縣
志族譜五谷集諸書

王 袞

廣安州人性孝友登嘉靖中進士授行人
擢御史執法不阿抗疏危言切中時事如

辨天地合祭條馬政四事荒政十七事皆其大者
巡按湖廣貪墨皆望風解綬去時人稱名御史云

王 柄

渠縣人嘉靖丙戌進士任主事權稅不私
一物守岳州有築隄功遷雲南副使德威

丕著蠶首納款乞休家居
課子睦族鄉里翕然化之

王嗣文

大竹人由歲貢仕至山東副使時齊藩事多不法嗣文抗直不阿力為裁抑後皆畏

憚無敢干紀者

李應和

大竹人由進士任給事中遷叅議廉介自守以德化民有侵官地若干畝者有司漁

獵其利置不問應和清出還官計畝徵稅官民兩便人為立碑頌德焉

李初元

營山人嘉靖甲辰進士任御史性剛介出按河南豪右聞風斂跡卒於汴署啟其篋

惟遺金五錢布襪一雙同官嗟歎

唐寅

營山人以貢生任華陰令清操自勵歸不治田產惟書史自娛衣布食蔬人所不堪

而寅處之澹如也

楊侃 營山人以歲貢司訓於秦登陝西乙酉鄉
爲任知縣終雲南曲靖知府質亮端方所

至有聲處鄉黨
尚尚與物無忤

李籌 營山人少有文行任褒城令獨著
清操恤民隱革弊政舉循良第一

龔一慶 營山人性資端謹文學博綜歷仕二十餘
年所在皆有恩澤致仕歸著有南雍集

陳以勤 南克人由進士選翰林庶吉士同新鄭高
拱侍講穆宗潛邸拱去後獨侍九年啟沃

最多會諸位不安力為保護功著翊翼穆宗初年
手詔以禮卿入內閣莞樞務於時巖廊盡一海宇

和寧以勤之功居多馬家居十七年卒於里第穆
宗震悼輟朝賜祭葬如例謚文端初公選迴官轍
不肩授足侍門或笑其迂公數曰士君子立身行
己當自迂始作法於迂其弊猶通作法於通則孔

先張禹之徒且抗旌攘臂而前矣故迄
今有談先輩典型者必以以勤為歸

陳于陞

以勤子由進士入中祕至承大政是時帝
方深居羣臣希進見于陞心憂之疏六事

以獻悉採其意行之言官被斥者南北臺省幾空
于陞亟疏其無罪皆報聞又請纂修五史備一代
紀載既得請日夜編摩鈎校不遺餘力竟以此億
病剗而終天子為哀悼輟朝賜諭祭命皇長子往
時之禮部郎一人持節護
喪歸第贈少保謚文憲

黃

輝

南充人字平倩號慎軒弱冠舉省元由進
士選入中祕光宗在東宮輝為講讀官啟

沃調護甚見親禮歷大司成後引疾歸家居清素
一如寒士四十喪偶終不再娶文名動天下尤精
翰墨海內多寶之著有張庵集
八十卷平倩遺稿三十六卷

王德完

廣安州人任兵科都給事中神宗欲易東宮抗疏直諫下詔徵究問主使只供太祖

高皇帝廷杖一百為民光宗初論保國本功第一
陞左僉都御史歷戶部尚書卒賜贈廕祭葬馬

鄭卿

西充人萬歷丁酉舉人博極羣書屢上春
官不第選金堂教諭未任卒所著有博雅

篇百四十卷

羅玉

西充人為點溲御史
謫發奸回籍籍有聲

李兆

字見可西充人由進士崇禎間三典銓選
生平剛正不阿權貴人無敢干以私者累

官至右
通政卒

敘州府



唐黎

幹

戎州人善星緯喜談辯玄宗時待詔翰林擢諫議大夫遷京兆尹

宋丁處榮

富順人咸平間王均叛圍富順守佐俱逃處榮具牛酒宴均於譙樓擒斬之擢為州

長史

李英恪

富順人與丁處榮同誅王均擢知富順監其子見嘗讀書於神龜山著易樞

牟

益

長寧人嘉祐初擄人謀內寇益引兵趨之捕斬七千餘級鈴轄司上聞詔賜錢鈔三

十萬并錦袍銀帶
尋為本州刺史

廖翰

宜賓人少以孝義聞時有蠻叛翰與戰於馬鳴溪敗陷溪水中流數里不沒時皆異

之

廖 琮 翰之子嘉祐二年進士歷官至朝議大夫
年未五十即致仕歸里教授鄉閭多所成

就縉紳
高之

廖有衡 字致平琮之子進士及第官至朝議大夫
家有荔枝二株實綠而味甘黃庭堅與衡

友善號綠荔枝廖氏後
人因而稱之以別其族

李文淵 宜賓人治平初進士累官至朝議大夫時
蔡京竒其才欲招致之文淵乃謝病還鄉

程 驥 富順人紹興間進士知監事政平訟理有
詩云吏散庭空無一事雲來雨過只催詩

許志寧 南溪人紹興中進士居鄉多善行邑人歌
而化之嘗割地為學宮見宋似孫碑記

史子申 南溪人博學登開禧初進士南溪
登第由子申始歷官提點刑獄

張彬

郡人。以上舍登第，留張浚幕。下富平之役，彬以十二事諫，浚不從去。通判瀘州，曲端

之死，彬以書與浚，明端非叛者。

程公許

郡人。少孝友，與兄公說、公碩俱登嘉定進士。累官刑部尚書，授寶章閣學士。知隆興

府，進龍圖閣學士。卒，贈宣奉大夫。所著有塵缶集，內外制奏議行於世。

明熊宗魯

南溪人。貢生。洪武初，授為北平叅議。永樂中，遷陞文趾叅政。歷官數載，卓有政聲。

周均德

郡人。洪武中，以聰明正直舉授工部右侍郎。

安濟

土人。洪武初，湯和克蜀，首率眾歸。附授土知府，賜詔褒嘉。子孫世襲。

安本

濟之子。洪武間，襲土知府。建公署，改學校，求樂中賜詔褒封。

鮮原 泥溪人永樂初以國子生授階州知州勸民勤農務善政甚多遷山東轉運同知

郭廉 富順人永樂初進士歷尚書疏諫北征詞甚剴切聲聞中外後歸鄉里有中貴至邑

誅求太甚公束帶見之既退中貴曰郭公在此遂去

何永川 郡人幼習書算大司徒夏原吉見而器重之薦為本部主事歷任襄陽九江知府

李志義 宜賓人進士任刑部郎中忠厚廉平僚屬推重

李從智 宜賓人進士永樂中任大理寺評事讞獄無冤陞知蘇州府以廉能著名後謝病歸

屢徵不起

梁承宗 宜賓人永樂中進士歷山東監察御史秉公執法親老乞歸養詔許之

牟

倫

宜賓人永樂中進士任監察御史直言抗疏叙南衛軍每苦遠調奏免之立鄉社以

作養後學郡人咸敬慕焉

周

儒

南溪人舉人歷官同知性質朴不事靡華聘黃氏女貧且陋人謂曰汝巨族高才何

不別娶儒應之曰此天命也棄之不祥竟納之

李永通

長寧人正統中進士官至侍讀學士經筵進講多所啟沃文章羽翼六經治鄭氏三

禮著為疏傳輔導憲宗勲勞益懋

周洪謨

長寧人登正統間進士官翰林即勸勤經筵以明聖學謹內外以敦政本成化初荆

襄流民為亂洪謨建議設州縣以撫治之遂開設鄖陽府累陞禮部侍郎正璿璣玉衡蔡博之訛改

明七政尋常祔禮凡朝廷制作禮儀如祧廟祔廟
文議俱經裁酌遂為定制卒謚文安著四書五經
辨疑及南阜
子菁齋集

李

本

富順人正統中進士居內翰長於撰著
歷官禮部尚書時多建明朝野推重

胡

深

富順人景泰中進士任戶部主事抗直不
阿忤權貴謫戍塞外後公論既定詔復其

官

安

洪

景泰間巡撫某以邊事寧息洪與有
功疏開於朝上給賜官帶襲授祖職

侯

旺

長寧人天順初中鄉試居家時都蠻猖獗
攻圍城邑有謀建避者旺移書鹽水壩官

軍示以死守城賴以全為息縣令俗好訟慣以墜
胎誣人旺按治如律俗因以變乞歸詩曰迂叟襟

懷惟典籍兒孫事業在綱常
正德間知縣婁悻立祠以祀

周汝瑞

洪謨長子成化間舉人授戶部司務轉中府經歷逆瑾伏誅條上五事俱見嘉納秩

滿陞銅仁知府至則興學撫叛漢夷懷服陞河東運使進階叅政謝病歸鄉與弟汝靖徜徉山水時

人擬之
二蘇云

吳道宏

宜賓人進士天順中歷任南京大理寺卿居諫垣時上言星變詞甚切總制三邊招

撫流移民
賴以安

范

珠

字介庵成化丙辰進士任浙江道御史嘉靖初議大禮諸臣廷諫欲刑以錫蛇珠解

衣裸體自糾錫蛇伏諫曰陛下若納臣言則天下治不納臣言則天下亂上怒欲加刑忽風雨暴至

雷擊錫蛇獲免上嘉其直賜聯曰柏府霜操真御
史黃堂直正古諸侯又賜金瓜一對稱為鐵面御
史歸里
卒賜祭

周正蕃

弘治間中鄉試知江西建昌縣舊有遺糧
四百石正蕃詳免之民德焉適南部催糧

者至正蕃拂其覲望乃以方調漢川縣縣例糧萬
石徵銀萬兩小民不勝逋負正蕃具奏奉旨著直
指議覆乃每石減銀貳錢又奏革劉家堡捕盜通
判添設主簿仍申復陽羅驛故道以分省夫馬請
菜湖歲收官銀以備賑濟凡事
擔當敢為勁節不撓類如此

晏

鐸

字振之以庶吉士改御史按直隸山東所
至有聲以言事誦上高典史興學校抑豪

奸鄰境寇亂官兵不能討鐸承檄捕之歸所掠於
民境內以安增註孝經小學周易泰同契解陰符

經注青雲
集等書

劉景寅

長寧人弘治癸丑進士為戶部主事蒞政廉謹尋進員外郎逆瑾招致不從勒為民

瑾誅陞陝西叅政會武宗北狩諸吏皆趨行在景寅坐鎮城中日理煩劇因卒於官所著有忠恕軒

集若
干卷

何振

慶符人進士歷官考功郎中勤慎威嚴不徇權勢以疾乞歸累徵不起

喻良

高縣人進士有文學為當時所宗歷官雲南按察使表率百僚輿論攸屬

劉澣

珙縣人進士任監察御史奉教征蠻有奇功民建祠祀之

李傳

珙縣人弘治乙未進士知襄陽府時流賊鄢本恕湖賊楊廣富等寇諸縣督兵悉擒

捕尋以外艱歸後陞巡海副使剽平海寇吏部奏
天下卓異第一轉貴州叅政奉命撫勘宣慰事至
誠開導宣慰父子感服署布政策年餘致政歸代
者查羨金七百餘送至宅傳笑曰義可取則取之
矣固却不受其
清介類如此

陳

輔

宜賓人弘治壬戌進士歷刑部郎中剛介
不屈執法明允以勘戚畹事忤旨就逮後
帝知其直後陞荆襄兵備乞
休歸田德望為朝野所重

陳

準

南溪人弘治中舉人歷官通政致任歸環
堵蕭然以易學授徒出其門者皆為名宦

年八十
餘卒

劉景宇

南溪人正德辛未進士任御史因疏薦王
守仁不報遂謝病桂萼以書招之不應嘗

手書范滂傳揭於庭日夕三復每歲終將諸當道餽遺悉歸有司作書答謝

周

惠

宜賓人正德丁丑進士嘉靖初任刑曹決獄明允歷官滇憲溫厚淳謹政績著聞以

終養歸鄉
評推重

卞

偉

宜賓人嘉靖乙丑進士任御史巡按陝西豪右斂手擢雲南副使威攝土酋秉繼母

克盡孝養
卒年八十

李文續

字紹庭宜賓人嘉靖己丑進士以監察御史巡按湖廣歷陞河南布政司考天下清官

第一

郝維嶽

郡人嘉靖己丑進士累官至福建按察使招平劇盜擢雲南布政使民有青天之頌

居鄉謙讓家教端嚴
終都御史巡撫雲南

熊

過

字南沙富順人嘉靖癸未進士授翰林庶
吉士官至禮部郎中著周易象音春秋明

志錄行
於世

甘為霖

富順人嘉靖癸未進士歷官至少保工部
尚書學問淵深孝友薦至自治郡陟孤卿

公廉自矢權貴莫撓太廟建立議度材盡制省
費世宗甚眷注後陳情養母歸里人重其行誼

路顯

富順人嘉靖癸未進士官戶部侍郎時西
山昌平一帶民苦賊寇顯奉勅賑濟撫綏

流移得所總督漕運聲稱益隆
解歸田宅一仍其舊鄉黨高之

李方至

富順人嘉靖中進士歷工部郎中以抗疏
忤權要棄官歸家居幾二十年一經庭訓

子長春官至尚書方至猶
及見之人以為盛德之報

李長春

字棠軒方至之子隆慶戊辰進士歷官
至禮部尚書聰穎博洽有詩文行世

熊師旦

字于侯富順人萬曆丙辰進士博
洽經史尤工古文詞著晉言全刻

伍文煥

字象明郡人由進士歷戶科給事中兼六
科事萬曆間帝欲易儲同鄒元標累疏力

爭被謫光宗即位加
太僕卿起用尋卒

樊一蘅

字杜臯宜賓人登萬曆己未進士精史學
及周程張邵之書莖仕襄陽令有聲召入

銓部人不敢干以私後為寧夏巡撫歸里值蜀亂
諸鎮將跋扈一蘅正色責之咸惴服年七十八卒

王常

平夷司人由進士歷叅政幼孤苦心力
學及貴分俸惠族在粵平僚賊功最著

熊應昌

郡人性正直博學多才後膺歲薦未仕而卒人咸惜之

阮振中

字結一富順人父良選歷官秦楚有清名天啟辛酉振中舉孝廉崇禎甲戌知壽昌

縣剖疑獄創堅城擒敵寇以廉能舉卓異壽昌人祠祀之辛巳擢江西道御史奏免湖州欠絹差視

河東乞終養欽假省親杜門終老弟捷中死寇難

宋世第

字南仍富順人明經天啟辛酉奢崇明叛世第寓建武賊將至建時安邊郡丞出署

他邑蒙本所千戶知廳帑尚貯銀數千兩欲借以給兵為守城計守者難之世第攝邊丞檄發帑金給兵城乃獲全丞至嘉其績具狀聞於撫軍朱爨元與元評曰此有用才也馳書徵請軍門贊畫機宜後仕至雲南彌勒知州多惠政丁內艱歸里年七十八卒

夔州府

漢扶

嘉

雲陽人其母於湯溪水側夢龍而生嘉長占吉凶巧發奇中高祖為漢王時與嘉相

遇嘉勤定三秦高祖以嘉志在扶翼賜姓扶氏官至廷尉食邑胸廳

梁徐世譜

軍節人勇力善水戰元帝時領水軍所造器械隨機損益妙思出人

唐李遠

郡人守承古秦和初進士大中間歷建州刺史令狐絢薦遠為杭州宣宗曰朕聞遠

有詩云長日惟消一局棋豈可以臨郡乎絢曰詩人之言非有實也仍薦遠廉察可任乃俞之後視遠到郡無非時表章止有此謝上表安知不有情懇乎吾不敢忽也

仕終御史中丞

宋宗晏

郡人為都押衙乾德中寇犯夔境晏捍禦甚力民賴以安以功補右班殿直達州招

安巡檢後轉西頭供奉官

龍景昭

奉節人少有武勇初仕蜀為施州刺史歸宋改右千牛衛將軍初景昭弟處塘等四

人隨孟昶入朝卒於道太祖憫之以其子補殿直

廖彥正

郡人為南平司錄參軍徽宗求直言彥正上封事論時政缺失由是被召會修河除

都水使中人有與爭者彥正欲力正其罪遂被斥後與黨籍

李裳

奉節人弟襲子公京公奕孫茂相繼登進士皆為正士時號五桂

詹邈

建始人元祐二年及第有文名士林推重

姚邦基

大寧人政和進士為尉氏令劉豫僭號遂匿山林聚徒以養豫誅朝廷尋訪隱逸邦

基與馬高宗嘉之授以京秩

袁師爽

雲陽人紹興間進士第父孝純兄師允師文與師爽四人相繼登科鄉人榮之

明陳思聰

奉節人洪武間福建副使清謹有吏才

冉通

萬縣人洪武中進士任兵科都給事中面折廷諍直聲動天下雖在竄逐讀書不輟

馬克用

土人明初為長官善撫夷落人心歸附子孫世襲

陳世顯

土人洪武間為宣撫同知撫夷有功子孫世襲

冉文彬

土人洪武間為宣撫僉事撫字有方士民悅服子孫世襲

雷震

新寧人永樂戊子舉人任襄陽學諭上疏諫英宗親征不報及復辟錄言官陞禮部

主事尋以直言忤旨謫戍遼東卒

王思睿

巫山人宣德間任吏部文選主事剛正無私朝士推服

陳恭

奉節人正統間知安慶明敏鯁介時稱循吏

柳英

字子鍾巫山人歷光祿卿剛方峭直不阿權勢

黃以春

雲陽人正統進士歷郎中守正不阿時稱長者

周泰

新寧人天順間任龍陽知縣廉謹有聲陞泰州同知時稱清官第一致政歸行李蕭

然



汪

瀚

開縣人成化中進士知修武莊政廉勤歲旱設賑民賴全活以憂去父老泣留歷官

太僕寺丞

嚴

琥

開縣人成化末任高州府同知時石城信宜二縣大飢民多流徙琥捐俸賑濟化州

吳州等處歲辦鑛鐵民苦賠補無敢言者琥力請停止民歌曰活我嚴父生我慈母

汪安宅

開縣人讀書好古不求聞達鄢藍賊攻城安宅率鄉兵禦之有別室在城外賊欲乘

以攻城安宅發火箭焚其室連燒賊營圍遂解時稱為汪義士

王彥奇

雲陽人弘治中進士任知府端士習新橋梁士民德之累官至都御史

熊希古

新寧人弘治間知天台縣歷官刑部員外以忤逆瑾謫官尋復員外陞郎中獻斷明

允擢守臨江築城弭盜卓
有聲稱後陞雲南副使

朱

鵬 新寧人嘗省親於楚之益陽過洞庭舟覆
鵬獨抱一木經晝夜不死人以爲孝所至

後任蒲圻知縣多善績
尤嗜詩有集藏於家

趙

鏊

新寧人正德末任大理寺寺副嘗決大獄
持身清介不避權貴罷歸建高柳書齋吟

絕詠不

牟秉元

奉節人居家孝友鄉人化之任廣東
南雄府照磨勤廉供職當道旌異

黃

封

雲陽人嘉靖中進士任
兵部郎中端方有守

王其高

雲陽人寡言笑慎取與絕跡公門潛
心儒業督學額其門曰學正行優

郎文林

萬縣人任經歷器度渾厚家甚貧人有餽金若却不受

傅時望

字仲瞻萬縣人隆慶戊辰進士授桂林知府禦倭寇嫻方畧桂人至今稱焉

邵仲祿

字孟康奉節人登隆慶二年進士補江山令治行卓異召居銓部歷容臺京兆俱被

眷倚萬厯中任江西巡撫卒贈少司馬所著有四書易經講意鄉範諸書

鄧漢臣

萬縣人拔貢生萬厯十七年任無錫縣令澹泊自甘百姓號為鄧菜羹

劉五韓

萬縣人生時母夢飛鳳入懷遂字夢鳳體不勝衣言若不出諸口萬厯間進士任江

南無錫縣令以廉直著

于繼勲

奉節人少孤事母至孝身長七尺鬻勇絕倫治春秋曉暢兵機郡守辟居帳下過土

首相攻輒違慰撫萬歷中檄調征九綠城松潘等處斬獲甚衆以功陞柳桂守備擢鄖陽都司僉事屢有戰功引疾乞歸

江鳴臯

奉節人精於易學者宗之萬歷中授臨戎令廉介有風裁

沈鴻儒

萬縣人家貧父早亡撫弟妹教育婚嫁中崇禎丁卯舉人歷任南京戶部郎中

龍安府

唐季白

字太白唐宗室也其父流寓彭明生白母娠時夢長庚星入懷故以白名才氣逸邁

縱橫任俠習之章萬之於明皇召入試清平調數曰仙才也坐以七寶牀手調羹賜之天寶末嘗推薦郭子儀果為中興功首後白生永王瑋事長流夜郎久之會赦得還終於宣城

宋張安行

彰明人登崇寧三年進士歷官朝議大夫賜緋魚為人慷慨有學為時推重

文日新

彰明人乾道四年進士廉惠仁慈治民以信仕終廉訪使朝廷延訪耆舊論治道日

新與
馬

張珖

淳熙中湖北副漕刺劍州愛民多善政築堤捍水患博學工書題白鹽赤甲等字于

峽

雍繁孫

平武人紹定中進士以文學名一時

明王溥

成化中進士任完縣令蒞政慈祥每謁祭文廟進諸生究經傳大指士人化之陞禮

部主
事

衛

信

江油人舉孝廉後守荊州秩滿當遷民乞留之歷九載政澤淪洽一時推重為賢守

馬

徐忠

江油人進士任戶部主事澹于仕進二年送乞歸里居敦行古道言笑不苟為時所

重

王盤

舉人授漢川令復補光化以廉平蒞政兩邑民俱建祠祀之

張哲

石泉人監生任南康節推愷悌勤慎惠愛及人見南康名宦

南東

平武人選貢歷公安醴泉二邑今政尚寬平躋置義冢葬枯骨壽八十年

孫逢吉

江油人監生為兩當令建學興農士民感德考滿歸田訓子孫睦族黨年九十有三

談笑而終

豐

爵

壘溪千戶深曉輪畧遇敵果敢歷陞遊擊將軍

易文衛

松潘衛學諸生少遊學內江得所師遂挈家就居不返者數年多識治體善論邊務

所著有
籌邊策

寧遠府

明吳朝元

越嵩衛人以明經授鳳陽府照磨性剛斷決事明允太守嘉其才委攝虹縣能撫字

其民虹人德之歸里引掖後進喜施予周人因乏為衛中之典型云

雅州府

漢衛

繼

名山人父為縣功曹縣長張君無子撫繼為嗣敏達博學歷仕清顯後復姓衛氏遷

奉車都尉忠誠為眾所推

郭德明

清漢人師事陳留王孝逸通知文史漢王諒反遣將綦良攻黎州德明年十八募士

軍五千號令嚴整倍道擊賊破之

樊

敏

字叔達蘆山人總角好學治穀梁春秋察孝廉除郎官遷宕渠令遭母憂去光和末

重舉孝廉辭不就後因聘為治中諸部從事彈凶糾貪務鋤民穰州里翕然號曰吏師以助義都尉養疾閭里年八十有四卒

五代王承肇

郡人蜀王宗侃之子母崔氏夢周公山神降祥遂生承肇後一僧見曰周公山

靈氣減半乃孕於此子耶
後節制洋州為行軍司馬

宋景自芳

郡人少負勇
畧破賊有功

曹克明

郡人光實從子喜兵法善騎射屢平賊寇
以功遷知郫州卒嘉賜推誠宣順功臣

楊 巽

蘆山人嗜學工文
大觀中成進士

張巽之

郡人寶祐二年
進士以文行著

張 閻

字子儀州人知蒼州有惠政妻黃氏黃庭
堅族姑子履娶史琰女才而賢即庭堅綠菜

贊所云史君炎王也次子祉字介卿擢進士第調
青神尉時庭堅居涪州溯流往見每器重之云

元趙榮祖

名山人任江源令子賢任嚴道尹時人語
曰名邑趙氏流芳大同父子相繼五受朝

封深入吐蕃屢建奇功
食祿獲賞垂世無窮

明王

彬

郡人監生歷會通知縣
為政公平有賢能聲

許恩

郡人正德庚午舉人嘗奏請復茶課以濟
邊用裁冗員以省民財迄今公私利之累

調宜良令勸農養老
捐俸施棺士民頌焉

李應元

郡人舉孝廉初知寧羌州捐俸濟荒建倉
儲穀擢真定同知著蒙山堂稿六堂文集

張經濟

郡人知澧陵蘆
漢以廉謹名

陳應禎

字國啟名山人有孝行嘉靖中舉順天鄉
試任教諭陞鎮遠知縣未幾解組行李蕭

然

葉桂章

江西桂溪籍名山人幼穎敏善詞章正德間領鄉薦第一登舒芬榜進士累官翰林

侍講卒
祀鄉賢

晏朝寅

名山人萬歷中進士
歷官知府卒祀鄉賢

張裴

蘆山人舉孝廉歷官監察御史
勤慎端慤歷江南布政使司



四川通志卷八